

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

32 pes

Namba 1013

Wik i stat long Fonde, Novemba 25, 1993.

40 toea

## Ripot i tok ol Indonesia kilim 13 pipel

GODFRIED NIAKA i raitim

WANPELA ripot i kam long Wes Sepik provins i tok 13 man insait long ples Fokodoi klostu long boda mak bilong Papua Niugini na Indonesia i dai pinis bihain long ol soldia bilong Indonesia, i sutim ol. Na 6-pela i kisim bagarap. Ples Fodokoi i stap insait long mak bilong Indonesia.

Long dispela 6-pela

husat i kisim bagarap, 4-pela i kisim tasol liklik bagarap long bodi bilong ol. Na tupela i kisim bikpela bagarap long bodi bilong tupela.

Dispela tupela husat i kisim bikpela bagarap em wanpela bikman na wanpela liklik manki. Liklik manki ya, ol soldia bilong Indonesia i katim 5-pela pinga bilong em. Tupela long raithan na tripela long

lephan. Bikman ya, ol i sutim nek bilong em long wanpela kain naip bilong ol ami ol i kolim bainat.

Dispela ripot *Wantok Niuspepa* i kisim i tok olsem long namba 24 Oktoba, sampela soldia bilong Indonesia i bin go insait long ples Fokodoi. Na ol i holimpasim 19 man na pasim ol long kanda na kisim ol i go insait long bus. Insait long bus, dispela ol soldia bilong Indonesia i digim wan-

pela longpela baret na tokim dispela 19 man long go insait long baret na sanap long lain. Em nau ol i sutim ol long sotgan. Ol 13 i dai taim katres i kisim ol na 6-pela i no dai. Ol i kisim tasol bagarap long bodi bilong ol.

Ripot ya i tok dispela 6-pela man i go na kamap long ples Yapsi long kisim sut na marasin. Bihain ol i go kamap long Telefomin helt senta long kisim

helpim. Long Telefomin, sampela lain i kisim dispela liklik manki na wanpela bikman i go long Boram hausik long Wewak taun.

Ekting Minista Bilong Forens Afeas, John Nilkare i tok em i no inap long tokaut stret sapos dispela samting i trupela. Long wankain taim em i no inap tokaut sapos dispela 6-pela man i kisim bagarap long sotgan bilong ol soldia

bilong Indonesia.

Wanpela non gavman oganaisesen (NGO) husat i save toktok pait long rait bilong ol pipel ol i kolim Individual & Community Rights Advocacy Forum (ICRAF) i tok dispela hevi i kamap long ples Yapsi. Ples Yapsi i stap long boda mak bilong Papua Niugini na Indonesia.

Tasol Mista Nilkare i tokaut olsem dispela hevi i no kamap long

ples Yapsi. Dispela hevi i kamap long ples Fokodoi insait long eria bilong Indonesia.

*Wantok Niuspepa* i ringim ol gavman opisa long Vanimo long kisim tok klia sapos dispela hevi i bin kamap long ples Yapsi. Tasol ol gavman opisa i tok ol i no save long dispela hevi. Ol i wok long wetim gavman opisa husat i bosim Yapsi gavman stesen long sekap na toksave long ol.



• Long dispela poto yu ken lukim dispela bikman (Noak Naplo-22 krismas) na liklik manki ya (Robert Taplop) i sindaun antap long wanpela bet long wanpela wod long Boram hausik long Wewak. Liklik Robert ol soldia bilong Indonesia i katim 5-pela pinga bilong em. Na Noak ol i sutim nek bilong em wantaim bainat. Man long raithan em Paul Mambu husat i bin lukim dispela birua o hevi i kamap.

## Wan wan memba kisim K300,000

ANINIT long 1994 mani plen, olgeta 109 nesenel MP i kisim moa mani olsem ilektrel developmen fan bilong ol. Mani we wan wan memba bai kisim em inap long K300,000. Dispela em i abrusim mak bilong mani we ol memba i bin save kisim pipo. Em long K100,000.

Dispela mani i bilong helpim ol pipel long wan wan ilektoret wantaim ol kain wok ol pipel i laik kamapim. Ol pipel i ken aplai long dispela mani long memba bilong ol.

Sapos yumi putim mani we olgeta 109 memba bai kisim aninit long dispela fan, em bai i kamap long K32.7 milien. Dipatmen bilong praim Minista yet bai i lukautim dispela mani.

Minista bilong Mani na Plening na Deputi Praim Minista Sir Julius Chan i laikim ol memba i yusim gut dispela mani. Olsem na ol wan

wan memba i mas kipim gutpela rekod long taim ol i givim aut mani. Na wanem wok tru ol bai yusim dispela mani long en.

Pastaim tru, ol memba i bin save kisim K50,000. Long taim bilong Namaliu gavman, ol bin surukim mani ya i go antap long K100,000. Na long taim Mista Wingti i kamap olsem Praim Minista long las yia, em bin laik rausim dispela fan. Bikos planti memba i no bin save yusim gut.

Tasol long Ogas15 sindaun bilong palamen long dispela yia, wanpela gavman bek bensa na memba bilong Finsafen, Yaip Avini i bin kamapim pravit membas bil we em bin laikim ol memba i kisim yet dispela mani long fan. Na Praim Minista i noken rausim. Planti memba bilong gavman na oposisen wantaim i bin

wanbel long bil ya na ol bin oraitim. na gavman i larim fani stap.

Sir Julius i tok olsem bai ol i traime long pinisim olgeta narapela fan we na larim tasol ilektrel developmen fan tasol i stap.

Tasol long lukautim gut dispela mani na helpim ol pipel long wan wan ilektret, ol memba i mas kipim gutpela rekod long husat ol i givim mani na long wanem wok tru bai ol i yusim mani long en.

Em i tok moa tu olsem ol bikpela prosek bilong rot, bris na ol kain wok olsem long trenspot i nidim bikpela mani long go hetim ol.

Gavman i luksave long dispela samting na i givim K13 milien long 1994 baset long Trenspot Dipatmen bilong karamapim ol wok prosek bilong rot, bris na ol arapela wok prosek olsem.



## NAMBAWAN TRAKTA LONG PNG

Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikpela trakta tru em MF 390. Dispela MF 390 inap pulim ol kain kain samting o tanim graun insait long fam. Em i gat 83hp ensin.

YU LAIK SAVE MOA LONG OL DISPELA SAMTIN RINIM DISPELA SAVE MAN



GRAHAM FLEMING  
FIELD SALES MANAGER  
PH 421215 FAX 422463  
TELEX NE42432  
PO BOX 3182 LAE.

Ela Motors

EM4688



# Kaikai bakstua i op gen

EDMINISTRETA bilong Enga i lukim egrikalsa long provins inap kam-paim tru developmen na gutpela sindaun bilong ol pipel long provins. Olsem tasol na provilnsa edminitresen bilong em i givim mani inap long K45,000 long opim gen Enga kumu depot. Dispela bakstua i bin pas longpela taim.

Deputi Seketeri bilong Enga, Dokta Samson Tamean i mekum dispela toktok long taim em i givim mani bilong go hetim dispela wok. Em i tok provinsel edminitresen i bihainim gutpela rot long taim em i givim go het long opim dispela depot we bai i helpim tru ol pepel long rurel eria i salim ol kumu kaikai bilong ol na painim liklik mani.

Dokta Tamean i tok ol pipel i mas strong long planim ol kumu na ol arapela kaikai long strongim dispela prospek. Na long lukim olsem i gat inap saplai i stap long salim long maket.

Em i tok moa olsem maski gavman i tromoi o givim bikipela hap mani i go long ol pipel bilong Enga, ol hevi we i stap insait long komyuniti i no inap pinis. Ol pipel i mas wok strong long graun biong daunim ol hevi na kamapim gutpela sindaun.

em i laikim maining kampani Porgera Join Vensa long helpim ol pipel wantaim mani na ol mansave i go pas long ol kain prosek olsem long helpim sindaun long ples.

# Belpen i kamap namel long ol blok holda na timba kampani

SAMTING olsem 5000 hekta egrikalsarel graun long Warangoi eria long Is Nu Briten provins bai bagarap sapos no gat wanpela samting i kamap long kontrolim wok bilong katim timba long dispela hap.

Wanpela timba kampani ol i kolim Richard Gault Industries (RGI) i wok long katim diwai long dispela eria long planti yia nau. I no longtaim i go pinis, Richard Gault Industries i salim 49 pesen bilong wok bilong em i go long wanpela arapela timba kampani ol i kolim Kerawara Pty Ltd.

Long wankain taim Kerawara Pty Ltd i kamapim wanpela teknikel na menesmen agrimen wantaim RGI. Na RGI i go pas long

ranim olgeta wok bilong kampani.

Wanpela ripot Wantok Niuspepa i kisim long Rabaul i tok taim Kerawara Pty Ltd i stat long katim diwai, em i katim diwai long blok bilong 23 setla. Kampani i no bin kisim tok orait long dispela 23 setla na katim diwai long blok bilong ol.

Dispela ol setla, husat i holim wanpela tok orait ol i kolim 99-yia Stet Iis, i tok olsem kampani i wok long katim diwai long blok bilong. Ol i tok kampani i no bin paitim toktok wantaim ol. Na tu ol i no givim tok orait i go long kampani long katim diwai long blok bilong ol. Ol i tok ol bikipela masin bilong kampani olsem buldosa i bagarapim graun bilong ol. Na

long wankain taim i blokim wara na wara i no inap long ran. Narapela bikipela hevi i olsem graun i wok long bruk.

Dispela ripot Wantok Niuspepa i kisim long Rabaul i tok planti setla long Warangoi i gat bikipela wari long wok bilong Kerawara Pty Ltd. Na ol setla i kibung ol bagarap i kamap long wan wan blok bilong ol.

"Long wan wan blok bilong ol setla, kampani i katim moa long 300 diwai na lusim i stap. Kos bilong ol diwai i stap long wan wan blok em i inap long K60,000. Bikipela samting i olsem kampani i no bin askim ol blok holda pastaim na katim diwai. Kampani i go na katim diwai long laik bilong em," dispela

riport i tok.

Ripot ya i tok moa olsem kampani i bin go insait long blok bilong wanpela blok holda. Na klinim bus na wokim ol haus na wanpela woksop. Kampani i no bin tok tok wantaim dispela blok holda na kisim tok orait long em. Moa long 30 Malesia na Pilipino i stap long dispela kem.

Wanpela pas Dipatmen Bilong Leba na Emploimen i raitim long Disemba 1,1992, i givim tok orait long 49 ovasis man tasol long holim wok wantaim Kerawara Pty Ltd. Tasol ol setla i tok ol ovasis man tasol i holim wok olsem buldosa na jinka (ka bilong karim diwai) draiva.



□ Laions helpim wanpela aipas man i kisim helpim wantaim K500 sekmani i kam long Laions Klub bilong Mosbi long helpim em wokim haus bilong famili bilong en long Mosbi. Man ya em John Patrik husat i wok olsem wanpela swisbod opereta wantaim Barlow Industri kampani long Mosbi. Em i marit wantaim wanpela pikinini meri. Long 12 pela yia i go pinis, bikipela sik malaria i bin kisim Patrik na em i kamap aipas.

□ Dispela piksa i soim Patrik i kisim sekmani i kam long pablik rilesen opisa bilong Laions Klub Thomas Kahai.

# Ol pipel long Kainantu i pilim hevi bilong guria

## SAPE METTA i raitim

I LUK OLSEM bikipela guria we i kamap long Morobe na Madang provins long foapela wik i go pinis i bagarapim tu sindaun bilong sampela pipel bilong boda eria namel long Kainantu long Isten Hailans provins na Kaiapit insait long Morobe. Na ol pipel ya laikim gavman i helpim ol wantaim kaikai, selhaus na wara.

Tu hap ol i stap long en i no orait tumas. Bikos ol i ken kisim bikipela bagarap sapos narapela guria gen i kamap na brukim graun long hap ol i stap

long en. Olsem na i moabeta long surukim ol i go long gutpela hap.

Orait, moa long 300 pipel bilong ol ples klostu long boda bilong Kainantu na Kaiapit i nidim tru kaikai, wara na selhaus.

Long taim wanpela lain bilong gavman i bin go lukluk raun long dispela hap, ol i no bin painim ol bikipela bagarap we sampela lain i kisim birua long en long guria.

Tasol wanpela provinsal gavman grup i wokabout na mekim

lukluk raun bilong ol long ol dispela ples namel long boda bilong tupela provins. Na ol i bin painimaut olsem klostu wanpela liklik meri i dai long taim graun i bruk. Laki tru long en sampela man i pulim em aut kwiktam. Na tu sampela haus long tupela ples long Pomasi eria i kisim bagarap long guria.

Distrik Kodineta bilong Kainantu na lidaman bilong provinsal tim husat i bin go lukluk raun long ol ples, Philip Sopilagai tok olsem ol gaden kaikai i no kisim bagarap, tasol bikipela san we i kukim ples long longpela taim pinis i bagarapim ol

gaden kaikai. Na kaikai i wok long sot nau.

Mista Sopilagai i tok gavman i mas surukim ol pipel bilong Pomasi eria i go long gutpela ples bilong abrusim bikipela bagarap sapos narapela guria i kamap. Na ol i mas putim tripela teng wara bilong helpim ol pipel husat i wokabout long longwe hap bilong kisim wara.

Long wankain taim tu, provinsal disasta komiti bilong Isten Hailans i askim pinis Nesenel Disasta komiti long K100,000 tausen bilong helpim ol pipel husat i kisim taim long bagarap bilong guria

na bikipela san wantaim long kaikai, selhaus na wara.

Bosman bilong Nesenel Disasta Sevisis Leith Anderson i laik lukim na glasim gut ol ripot bilong bagarap pastaim long em i givim helpim i go long ol dispela pipel.

Wanpela mausman bilong komiti i tok olsem ol i no inap long givim mausi go long helpim ol, tasol bai ol givim kaikai, sehaus na teng wara tasol i go long ol.

Sampela hap bilong hailans olsem long Kainantu, Henganofi, Lufa, Okapa na Goroka i kisim taim stret long bagarap bilong guria na bikipela san.

# PLIS RIPOT



**WEWAK:** Plis long Wewak i statim pinis wanpela operesen long holim ol raskol man husat i bin brukim ol lait long Boram ples balus. Dispela hevi i bin mekim na ol i stapim ol ran bilong balus long nuit.

Nau yet plis ripot i soim olsem ol i holim pinis tripela man na wok long mekim painimaut long ol narapela gen.

Primia bilong Is Sepik provins, Alex Anisi i tok dispela ol bagarap i kamap long ples balus i no ol papa bilong graun i mekim. Em i tok ol lain i brukim lait long ples balus em ol raskol man na i no ol papa graun.

Mista Anisi i tok ol lain bilong ples i givim bikipela sapot tru long plis long holim dispela ol raskol man. Ol lain bilong ples i bin wok bung wantaim plis na holim tripela ol manki husat i save stap long setelmen klostu long Boram ples balus.

Em i tok, em i sori tru long kain pasin sampela lain long provins i mekim long daunim nem bilong provins na pipel bilong en. Em i tok dispela ol raskol i mekim dispela long kisim nem na ol pablik i ken save long ol. Na dispela i no wanpela gutpela pasin bikos ol i brukim lo.

Anisi i askim olgeta lain long provins long wok bung na askim ol raskol man long no ken mekim kain pasin olsem. Em i tok long bihain taim sapos ol i painim ol man i mekim dispela kain pasin ol bai givim bikipela mekim save long ol.

**WESTEN PROVINS:** Plis long Westen provins long displea wik Mande i bin holim tupela man bihain long ol i painim mariwana long tupela.

Plis ripot i soim olsem dispela tupela man i kam long Kainatu insait long Isten Hailans provins. Taim plis i holim tupela ol i bin painim mariwana em hevi bilong em i 131 kilogrem. Coastal rijonal komanda, Tom Kulunga i bilip olsem tupela man i bin tingting long salim dispela mariwana i go long Australia. Kulunga i tok dispela i wanpela long ol bikipela mariwana dispela lain i tingting long salim i go aut. Tasol plis i bin go hariap na stapim.

Dispela tupela man i bin kalap long wanpela liklik balus na go long wanpela liklik ples balus long Westen provins. Taim balus i lusim ol wantaim dispela ol mariwana kwik taim tru em i go bek.

Na taim plis i kamap long ples balus ol i holim tupela man. Dispela balus i bin go bek hariap bipo long ol plis i kamap long ples balus olsem na ol i no bin inap long save husat i papa long dispela balus.

Plis ripot i soim olsem dispela tupela man i wok long redim mariwana long karim long ka i go long nambis na ol bai salim i go long Australia long sip. Tasol plis i go hariap na holim tupela.

Wanpela long ol dispela man em plis i bin holim bipo long Daru taim ol i painim em i long long holim mariwana na sasim em.

**WEWAK:** Plis i wok long painim 5-pela man husat i bin stapim wanpela PMV ka long las wik Fraide na stilim mani long draiva.

Dispela trabel i bin kamap long Turubu rot klostu long Brandi haikul long Fraide. Dispela ol lain i bin pasim ka na hensapim draiva na stilim K30 long em.

Provinsal plis komanda Giossi Labi i askim ol lain long Mandi, Brandi na Turubu long helpim plis na givim nem bilong ol lain husat i mekim dispela rabis pasin. Em i askim ol lain long ples long toksave sapos ol i save long disela raskol grup.

**RABAU:** Long las wik plis long Rabaul i bin holim wanpela man long sas bilong stilim mani yusim strongpela samting bilong pait.

Plis i bin holim Joe Watur long ples Tagitagi insait long Toma. Watur i bin stap insait long wanpela raskol grup husat i bin hensapim wanpela stoa kipa long Garom insait long Not Baining tripela yia i go pinis.

Watur wantaim wanpela raskol grup i bin go long Garom na hensapim wanpela stoa kipa long hap. Long dispela taim ol i bin stilim ol samting em prais bilong ol i stap K1582.81. Dispela trabel i bin kamap long Epril 24, 1990.



# Balus kampani sevisim hailans

# Amnesti Intenesenel i sutim tok long PNG

VERONICA HATUTASI i raitim

BALUS KAMPANI Nesenea Ailans Aviesen nau i sevim ol pipel bilong hailans rijen bihain long taim Talair i pinisim olgeta wok bilong en long sikspela mun i go pinis.

Long olgeta de, Nese-nea i save mekim ron bilong em long Goroka na Maun Hagen i go long Lae na Mosbi.

Kampani ya i bin statim ol wok bilong en long hailans rijen stat long mun Oktoba wantaim long ol Twin Ota balus bilong en we inap long karim 18 pela pasindia long wan wan taim.

Bihain long taim Talair balus kampani i bin pinisim olgeta wok bilong en long kantri, planti pipel husat i save nidim tru balus long karim ol kago na ol arapela samting bilong ol i bin wari nogut tru.

Tasol Air Niugini i bin hariap tru long luksave long ol hevi bilong ol pipel long kantri na i mekim kwik samting long helpim ol. Na long nau ol kago na pasindia balus bilong en i sevim ol pipel namel long Goroka na Maun Hagen long olgeta de.

GAVMAN bai lukluk long ol ripot bilong bagarap na dai we ol sekyuriti fos wantaim ol lain rebel paitman bilong Bogenvil (BRA) i kamapim long ol pipel bilong Bogenvil.

Tasol pastaim, gavman bai i kamapim gut ples, bringim ol sevis i go long ol pipel na stretim sindaun bilong ol pipel bihain long ol bikpela bagarap na hevi bilong ol trabel long ailan i karamapim ol long foapela yia.

Bihain long dispela ol samting i stret orait, gavman bai lukluk long ol bagarap we ol pipel i bungim long han bilong PNG Difens Fos soldia na ol lain BRA.

Long nau, liklik lain rebel paitman i wok long go hetim wok bilong ol long bagarapim, pretim na kilim dai ol man nating long ples. Bikos ol dispela strongpela BRA memba i tok ol pipel ya i lusim sapot long ol na bihainim gavman bilong PNG.

Minista bilong Stet na Bogenvil Afeas Michael Ogio i mekim ol dispela toktok long bekim wangepela ripot bilong Amnesti Intenesel.

Dispela ripot i tok ol soldia bilong PNG Difens Fos i wok long kilim na bagarapim nating ol man husat i sapotim ol lain BRA. Na PNG gavman i no mekim wangepela samting long stapim ol soldia ya i mekim ol kain pasin nogut i go long ol pipel bilong Bogenvil.

Amnesti Intenesel (AI) em i wangepela grup husat i lukautim laip na sindaun bilong olgeta pipel long wol, maski wanem kain skinkala man i gat, bilong wanem kain tokples, i kam long wanem lotu na wanem kain bilip em i gat long sait bilong wok politik. Bikpela hetkota bilong AI i stap long Englen. Tasol em i gat ol opis i stap long olgeta hap bilong wol.

Han bilong AI long Sidni Australia i save kisim planti ol ripot long ol samting i kamap long Bogenvil long maus bilong ol Bogenvil pipel husat i stap long Solomons Ailans. Na long ol BRA mausman olsem Moses Gavini, Rosemarie Gillespie, Martin Miriori na ol arapela BRA lida moa. I luk

olsem planti long ol dispela ripot em ol giaman na wan sait stori tasol we i sutim tok i go long ol difens fos soldia i kilim dai nating na bagarapim ol pipel bilong Bogenvil. Em i gutpela moa sapos AI i kisim ripot long tupela sait wantaim skelim na sekim ol bipo long ol i putim kamap ripot bilong ol.

AI i putim kamap wangepela ripot long nau we i toktok long ol bagarap ol PNG Difens fos na lain BRA i kamapim long ol Bogenvil pipel stat yet long 1991 i kam inap long 1993. Ol i kolim ripot ya "Under the Barrel of a Gun."

Ripot ya i singaut long gavman i rausim tambu long Bogenvil na larim ol marimari grup bilong arasait kantri i go lukluk raun long Bogenvil na mekim ol wok painimaut long ol samting i kamap long Bogenvil.

Planti long ol intenesel grup em ol lain dona kantri husat i givim helpim bilong ol i go wantaim mani, klos, marasin na ol arapela helpim olsem i go long ol pipel i stap long ol kea senta long ailan. Na long planti taim ol i



Nupela ambeseda bilong US....Nupela ambeseda bilong Yunaited Stet long Papua Niugini Richard W Teare i sanap wantaim Gavana Jenerel bilong Papua Niugini Sir Siwak Korowi. Dispela em taim Sir Wiwa i welkamim Mista Teare long Mosbi. Em i kisim ples bilong olpela ambeseda bilong USS long PNG William W Farrand. Foto: Dominic Kakas.

kisim tok orait long go long Bogenvil, ol lain PNG Difens Fos isave rausim ol i go long long ailan.

Ripot i tok tu olsem stat yet long 1991, ol PNG soldia wantaim ol resisten fos bilong asples yet husat i wok wantaim ol lain sekyuriti fos long stretim sindaun bilong ol pipel long ailan i kilim dai moa long 60 pipel long Bogenvil. Ripot i tok, planti pepel i dai bihain long ol soldia na resisten paita i papaitim ol nabaut, katim ol han, leg na pinga bilong ol o kukim sampela hap bodi

bilong ol wantaim long paia bilong sigaret.

Long bekim bilong en, Mista Ogio i tok olsem gavman i no gat samting long haitim. Gavman i gat bikpela wari long ol dispela ripot na bai i lukluk long ol bagarap we ol ripot ya i toktok long en.

Ol pipel bilong Bogenvil i no nap tru long lusim ol bagarap na dai bilong ol famili memba na hauslain bilong ol long han bilong tupela sait wantaim (BRA na PNG Difens Fos memba). Na bihain long taim ples i

kamap gutpela na sindaun bilong ol pipel i orait, gavman bai i karim ol wok papainim long ol bagarap na kot yet bai i stretim ol ripot ya. na dispela taim i no stp longwe tumas nau.

Difens Minista Paul Tohian i tok gavman i wari long ripot bilong AI we i toktok long sekyurit fos na ol lain BRA i kilim dai na bagarapim sindaun na laip bilong planti pipel long Bogenvil. Na em i tok gavman bai i lukluk gut long ol dispela ripot na givim bekim bilong en i go long AI.

# Gavman i stat long baim dinau bilong Difens Fos long Fraide

OPIS BILONG PRAIM MINISTA i tokaut long Mande bilong dispela wik olsem gavman i givim pinis mani i go long Difens Dipatmen long las Fraide bilong bekim olgeta dinau em (Difens Fos) i gat long ol wokman bilong en na ol bisnis haus husat fos i gat dinau long ol aninit long Bogenvil operesen.

Long 1994 mani plen we Minista bilong mani na Plening Sir Julius Chan i tokaut long en long Tunde bilong las wik, Difens Dipatmen i kisim K54, 300,000 milien long mekim ol wok bilong en insait long neks yia.

Bikos planti komplek tumas i kam long ol wokman bilong Difens husat i stap insait long Bogenvil operesen, ol eks sevis-

man na ol bisnis haus husat Difens i gat dinau long piul, kaikai na ol arapela samting moa aninit long Bogenvil operesen, gavman i laik kilim dai ol dinau hariap.

Long Tunde tu, namba tu Spika bilong palamen Ben Okoro i bin askim gavman watpo tru gavman i no hariap long peim ol eks sevisman kompensesen peimen na risk alauwens i go long ol soldia husat i stap long Bogenvil operesen wantaim tu dinau bilong bisnis haus long Rabaul na wanem hap moa fos i gatdinau long em long dispela taim.

Praim Minista Paias Wingti i tok Nesenel Eksekutiv Kaunsil i bin wanbel na givim mani i go long Difens Fos bilong bekim ol dinau na ol arapela kos moa long 6 wiks

i go pinis. Tasol Difens dipatmen i no mekim yet ol peimen i go aut.

Tasol long Fraide las wik, Komanda bilong Difens Fos Robert Dademo i salim wangepela pas i go long Mista Wingti long toksave olsem dipatmen i mekim sampela peimen pinis i go long wokman na saplaia long dispela de (Fraide) yet. Na dipatmen bai i mekim olarapela moa peimen long sampela taim bilong dispela wik.

Orait, fos i bin peim aut moa long K10 milien kina i go olsem kompensesen peimeni go long ol famili na ol soldia husat i lusim laip bilong ol o i kisim bikpela bagarap long Bogenvil operesen, risk alauwens na tu peimen i go long ol bisnis haus husat i

saplaia piul, kaikai na ol arapela samting i go long ol PNGDF memba husat i stap long Bogenvil.

Long dispela, moa long K5 milien i go long peim ol saplaia bilong kaikai, bensin na ol arapela samting. Mobil Oil kampani husat i saplaia i go long Difens Fos i kisim moa long K900,000 sekmani olsem bekim bilong dinau. Kompensesen peimen we ol soldia na ol famili i kisim inap long K1.4 milien. Na risk alauwens mani we ol soldia i kisim long dispela taim inap long K3.3 milien.

Sampela ripot i tok olsem Difens Dipatmen i bin baim tasol K1,416,000 olsem risk alauwens mani na K624,000 olsem kom-

pensesen long ol soldia long las Fraide. Brigidia Dademo i tok bai ol i givimaut ol narapela peimen long sampelatim bilong dispela wik.

Opis bilong Praim Minista i ripot olsem bosman bilong ol ami long Buka i bin go long Rabaul long las Fraide long kisim ol sekmani bilong ol soldia long beng.

Mista Wingti na kabinet bilong en i bin tingting long mekim kwik samting na stretim ol dinau Difens Fos i kamapim aninit long Bogenvil operesen bikos ol ami i sot long ol saplai olsem kaikai, marasin, bensin, ol katres na ol arapela samting moa. Na ol i no inap mekim ol wok gut long ailan sapos bensin, saplai na kaikai i sot.

**TOR**

TORO PUTIM UNIFOM BILONG OL NIU SAUT WELS (BLUES) NA EM SO-OP RAUN I STAP...

**EM BIKMAUS NA MEKIM PLANTI NOIS TRU...**

BLUES  
BLUES  
BLUES

**EM KIRAP NA KAPSAITIM RABIS DRUM...**

BLUES BAI KAPSAITIM OL MAROONS OLSEM RABIS DRAM, HIA!!

**INO LONG TAIM NA OL SAPOTAS BILONG KWINGLAN (MAROONS) KAMAP...**

!?!  
MAROONS  
MAROONS  
MAROONS

**MAN, TORO LUKIM OLSEM OL SAPOTAS BILONG OL MAROONS I MUMUT I KAM. EM GIVIM SIKSTI OLSEM ETINSAUSEN BILONG BLUES...**

MAROONS!  
MAROONS!  
MAROONS!

HOLIM BLUE LANG YA!! G\*?!



# WANTOK

NIUSPEPA BILONG OL PAPUA NIUGINI STRET

## Skelim stret K300,000.

Dispela wik yumi putim yau tasol long lukim ol memba bilong palamen i yesa long baset bilong 1994. Mak bilong mani em inap long K1.8 billion. Ol memba i paitim toktok inap tripela wik nau na long dispela wik bai ol i tokaut sapos ol i sapatim baset o nogat.

Bihain tasol long dispela, ol provins bai stat long tokaut long baset bilong ol. PNG i gat 19 provins. Hap namba bilong ol i no gat gavman nau bikos nesanel gavman i rausim gavman. Orait i gat administreta i ranim provins.

Ol dispela provins i redim mani plen bilong ol tu na ol i wet tasol long lukim hamas mani nesanel gavman i skelim i go long ol. Sampela i amamas long mani ol i kisim. Sampela i no amamas. Tasol em i samting bilong nesanel gavman.

Bikpela hap mani long dispela baset i bin go long wan wan memba. Ol i kisim K300,000 long dilim long ol projek insait long ilektoret bilong ol. Yumi hop dispela mani i go long stretpela rot na i gat ripot long rot we mani i go long en.

I gutpela long lukim memba i helpim ol projek insait long ilektoret bilong ol.

## Ripot bilong Palamen long dispela wik wantaim ripota Godfried Niaka

# Askim long spesel medikel sevis

NESENEL Minista Bilong Helt, Francis Koimanrea i tokaut olsem Papua Niugini i no gat ol gutpela spesel medikel sevis. Bikos gavman i no gat mani long kamapim ol spesel medikel sevis long kantri.

Mista Koimanrea i tokaut long dispela hevi taim em i bekim sampela askim bilong memba bilong Daulo Gunia Sowa.

Mista Sowa i askim Mista Koimanrea long

watpo na gavman i save salim ol lain bilong em i go long Australia o arapela kantri taim ol i painim sik.

Mista Sowa i tok Papua Niugini i gat ol bikpela haus sik i stap. Em i tok ol lain long gavman husat i kisim o painim sik i ken go long ol haus sik olsem Pot Mosbi, Lae o Maun Hagen. Tasol gavman i save sponim bikpela mani tru long salim dispela ol lain i go long

Australia o long arapela kantri.

Long askim bilong em Mista Sowa i askim tu Mista Koimanrea long givim tok orait i go long wanpela praivet medikel kampani long sanapim wanpela praivet haus sik. Na taim ol lain long i kisim o painim sik, ol i ken go long dispela praivet haus sik.

Mista Koimanrea i tokaut long Palamen olsem tude Papua Niugini i nogat ol gut-

pela medikel sevis. Dispela em i wanpela bikpela hevi helt sistem bilong Papua Niugini i gat. Olsem na Dipatmen Bilong Helt i mas lukluk na stretim dispela hevi.

Em i tok em i amamas long praivet sekta i putim wanpela praivet haus sik. Tasol ol praivet sekta i mas givim wanem samting ol i laik putim kamap na tu tingting bilong ol i go long Helt dipat-

men. Bikos nogut bai ol praivet sekta i putim kamap ol helt sevis we i stap pinis insait long kantri.

Em i tok moa olsem ol praivet medikel kampani i ken wokbung wantaim na givim tingting bilong ol i go long em wantaim dipatmen bilong em. Na tu i ken putim kamap na stretim ol helt sevis we i ken helpim ol pipel bilong dispela kantri.

## Bogenvil i nidim moa long K10 milien long ol wok

LONG 1994 baset, gavan i givim K10 milien kina i go long Bogenvil bilong go hetim ol progrem long stretim ples na sindaun bilong ol pipel. Dispela mani i go K10 milien kina daunbilo long K20 milien mak we Not Solomons i kisim long 1993 baset.

Minista bilong Mani na Plening na Deputi Prais Minista Sir Julius Chan, i tok gavman i daunim mani na givim tasol skel mani inap long K10 milien i go long Bogenvil bikos em no laik strongim pasin we ol pipel i ting bai ol i sindaun nating na kisim helpim i kam long gavman.

Sir Julius i bin tok ol eria we gavman i lukluk long givim bikpela helpim long neks yia em lo na oda long komyniti, ples na ailan, strongim wok bilong lukautim wok bilong administresen long tripela level (komyniti, distrik na provinsel), helt, eduke-

sen, wok bilong helpim ol yangpela pipel long ailan i kisim gutpela sindaun, wok bilong stretim sindaun bilong ol pipel husat i lusim asples bilong ol bikos long ol hevi na ol nupela wok kamap long rot, ol bilding na ol kain prosek olsem.

Tasol planti pipel long gavman, oposisen na ol arapela Bogenvil pipel long kantri i no amamas long kain mani we gavman i skelim i go long Bogenvil. Bogenvil operesen i nidim bikpela moa mani long stretim. Na K5 milien gavman i givim long Difens bilong mekim wok long Bogenvil long neks yia i no inap tu.

Oposisen lida Chris Haiveta long dispela wik i tok olsem K10 milien gavman i givim long Bogenvil i no inap tru long ol wok long Bogenvil. Wantaim dispela mani, gavman i no inap long lukautim ol pipel long kea senta. Ating gavman i

no gat strongpela tingting long helpim ol pipel o pinisim ol hevi long ailan.

Sevenpela siaman bilong ol Interim Atoriti long Bogenvil i no amamas tru long K10 milien mani gavman i givim long Bogenvil aninit long 1994 mani plen. Na ol singautim gavman long givim moa mani i go long provins bilong go hetim ol wok prosek na strongim wok bilong stretim sindaun bilong ol pipel long ailan.

Ol lukim olsem daunim bilong 1994 mani i go long provins bai i pulim gen ol hevi i go moa yet bikos long nogat inap mani bilong go hetim ol wok insait long komyniti, ples na provins. Ol siaman i tok tu olsem pasin we gavman i mekim long katim skel bilong Bogenvil i soim olsem gavman i nogat strongpela tingting long pinisim hevi.

## Gavman givim K750,00

GAVMAN i givim pinis K750, 000 i go long helpim ol manmeri long Morobe na Madang husat i kisim bikpela bagarap bihain long bikpela gurua i bin kamap las mun.

Prais Minista Paias Wingti i tokaut long dispela mani gavman bilong em i givim taim em i bekim ol askim bilong rijonal memba bilong Madang Peter Barter.

Mista Barter i askim Prais Minista Wingti sapos gavman bilong em i gat sampela tingting long helpim dispela ol lain manmeri long sait bilong kaikai. Na tu long helpim ol lain husat i stap long ol kea senta na bringim ol i go bek klostu long ples bilong ol.

Prais Minista Wingti i tok gavman bilong em i askim pinis Dairekta Jenerel bilong Nesanel Disasta na Imejensi Sevis, Leith Anderson long wanpela sabmisen. Na gavman i ken lukluk na wokim wanpela disisen long wanem kain samting bai kamap long ol lain manmeri husat i kisim bagarap. Wingti i tok long nau yet, gavman bilong em i wok long wetim dispela ripot i kam long Minista Bilong Provinsal Afeas na Viles Sevis, John Nilkare.

Em i tok gavman i painim hat tru long go na lukluk raun long sampela hap we ol pipel i kisim bikpela bagarap. Bikos gavman i gat hevi long transpot long go long ol eria we ka i no inap long go. Em i tok planti bilong ol dispela hap i stap long bikbus na tu long maunten.

Mista Wingti i givim bikpela tok tenkyu i go long Mista Barter long go na lukluk raun long ol eria we i kisim bikpela bagarap. Na bihain givim toksave i go long gavman.

Mista Barter i go na lukluk raun long planti eria we i kisim bagarap bikos em i gat helikopta. Olsem na dispela i mekim isi long em long go insait long ol ples i stap long bikbus na maunten.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



# Madang i nidim helpim bilong gavman

EM I tru olsem Madang provins i no gat ren inap samting olsem 9-pela mun. Na tu planti plantasin kakao, kokonas na ol arapela samting i bagarap.

Narapela samting tu i olsem i bin i gat planti bikpela paia i kamap long Karkar ailan, Ramu Suga na tu long ol arapela hap long Madang provins.

Namba Tu Prais Minista na Minista Bilong Fainens na Plening, Sir Julius Chan i mekim dispela toktok taim em i bekim askim bilong nesanel memba bilong Raikos Samuel Pariwa.

Mista Pariwa i askim Sir Julius sapos gavman i redim pinis sam-

pela mani long helpim ol pipel bilong Madang provins husat i kisim bagarap long taim bilong san.

Mista Pariwa i tok sapos gavman i redim pinis sampela mani, orait ol i mas givim sampela bilong dispela mani i go long administreta bilong Madang. Na tu long ol wan wan memba bilong ol ilektret long helpim ol pipel husat i kisim bagarap.

Sir Julius i tokaut olsem taim kain ol hevi olsem i kamap, luksave i mas go long ol helpim ol pipel husat i kisim bikpela bagarap. Na sapos i gat mani i stap long taim kain hevi olsem o kamap, gav-

man bai i no inap long westim taim long givim helpim.

Long ol bagarap i kamap long Madang, Sir Julius i tok gavman i wok long wetim Dairekta Jenerel bilong Nesanel Disasta na Imejensi Sevis, Leith Anderson long givim ripot bilong em. Taim gavman i kisim dispela ripot long Mista Anderson, ol bai lukluk nau long helpim ol pipel.

Em i tok moa olsem gavman bai wokbung wantaim administreta bilong Madang, Wep Kanawi long wanem kain samting ol mekim na tu wanem rot ol bai bihainim long givim helpim.



Ripot bilong Palamen long dispela wik wantaim ripota Godfried Niaka

Oposisen i bekim tok long 1994 baset bilong PNG

Hia em sampela samting Lida bilong Oposisen Mista Chris Haiveta i toktok egensim 1994 baset Namba Tu Praim Minista na Minista Bilong Fainens na Plening, Sir Julius Chan i bin tok long Palamen long las wik Tunde.

LONG 1994 baset, wok bilong bekim dinau bai kostim gavman K328 milien. Dispela samting i winim olgeta arapela samting gavman i skelim mani long ol. Dispela samting i winim mani gavman i skelim mani long pait egensim hevi bilong lo na oda, sosel sevis na mani gavman i skelim i go long ol provinsal gavman insait long kantri.

Lida bilong Oposisen Mista Chris Haiveta i tok gavman i bin promis long kontrolim wok bilong spenim mani na daunim dinau. Tasol gavman i brukim

dispela promis. Na bai brukim gen dispela promis long narapela yia.

Gavman i bin promis tu long stretim ol samting na tu rot long ol pipel insait long ol ruel eria i ken ksim gutpela sevis bilong gavman. I no gat samting long soim olsem dispela promis i kamap pinis. Tasol i gat planti samting long soim olsem dispela samting i go bagarap olgeta.

Sapos gavman i no inap long proveidim wara na pawa saplai long Pot Mosbi na rot long Lae, wanem rot



• Sir Julius Chan.

gavman bai yusim o bihainim long provaidim sevis long ol pipel bilong Telefomin long Wes Sepik provins, Gumine long Simbu provins, Ferguson ailan long Milen B provins na ol pipel bilong Baining long Is Nu Briten provins? Ansa bilong dispela askim i olsem gavman bai i no inap long mekim dispela samting.

Bikos gavman i no mekim dispela samting long yia i go pinis.

Mista Haiveta i tok planti taim yumi save harim long ol pipel na tu ritim long niuspepa olsem planti gavman sevis i no kamap na ran gut. Planti i kamap tasol i go bagarap. Ol arapela i no kamap long gutpela na stretpela rot.

K10 Milien i no inap long Bogenvil

LIDA BILONG Oposisen, Chris Haiveta i egensim gavman na tok K10 milien gavman i skelim long mekim wok long Bogenvil i no inap.

Mista Haiveta i tok memba bilong Not Bogenvil na minista husat i lukautim Bogenvil, Michael Ogiotu i bin tokaut long las wik olsem K10 milien i no inap long karim aut olgeta wok long Bogenvil.

Mista Haiveta i tok moa olsem taim Minista Bilong Fainens na Plening, Sir Julius Chan i stap long Australia long las wiken, em i tok olsem olgeta wok kamap long Bogenvil i nidim moa

mani long bihain taim. Mak bilong mani i winim mak em gavman i skelim long baset bilong narapela yia.

Dispela em long stretim olgeta samting na Bogenvil kopa main i ken op gen.

Haiveta i tokaut strong olsem K10 milien i no inap tru long mekim olgeta wok long Bogenvil long stretim gen sindaun bilong ol pipel. Na tu long bringim olgeta sevis bilong gavman i go bek long Bogenvil. Long wankain taim dispela mani i no inap long lukautim olgeta pipel husat i stap long ol kea senta.

Pe bilong ol kes krop

GAVMAN i skelim K71 milien i go long sapotim prais bilong kopi, kakao, kopra na welpam. Tasol long narapela yia, mak bilong mani bai surik i go antap klostu long K120 milien.

Mista Haiveta i tok i no longtaim i go pinis, Praim Minista Paias Wingti i tokaut na promis olsem gavman bilong em bai holim mani bilong sapotim prais bilong ol dispela kes krop long wankain level long narapela yia. Tasol baset i no tokaut long wanpela stretpela samting bai kamap long apim prais bilong dispela ol samting. Olsem na gavman bai sapotim prais bilong dispela ol samting olsem wanem long stap long mak bilong K40 milien o K50 milien daunbilong long dispela yia.

Ranara bungim hevi bilong guria na san wantaim

PLANTI pipel insait long Ranara i bungim hevi bilong kaikai long hevi bilong san bipo long graun guria i bin bungim ol pipel. Ol lain husat i ksim dispela hevi em ol pipel bilong Rawa 1 na 2 na ol pipel bilong Nahu 1 na Nahu 2.

Bipo long kea senta i kamap long Ranara Seket eria, ol sios lida bilong dispela eria i ripot long sampela hevi i kamap pinis long hap. Ol i tok olsem olgeta kaikai long gaden i drai pinis - na ol i no gat sit na ol kru bilong ol kaikai long planim gen taim ren i kamap gen.

Taim san i bikpela, ol tripela komyuniti skul olsem Naiko, Daota na Gumase komyuniti skul i pasim skul na ol gret

6 student tasol i stap inap ol i pinisim skul bilong ol.

Long dispela taim, graun i bruk i kam

daun na karamapim ples Bengumu olgeta na wanpela pasto i lusim haus na olgeta samting bilong en. Graun i bruk na brukim

wanpela waia (foot) bris long Surima wara em Lutheran Developmen Sevis i bin wokim - dispela waia bris i bruk olgeta.



Ol ex soldia i kros - Long Tunde mo'ning, ol lain ex soldia i bin banisim opis bilong seketeri bilong Difens Fos Paul Bengo long Mari Bareks. Ol i kros bikos ol i no amamas long bekim ol i ksim long Mista Bengo bihain long gavman i promis long givim mani bilong ol. Ol soldia i banisim opis inap 5 klok apinun. Foto Dominic Kakas.

Ol lida i ripot olsem taim graun i stat long guria, wanpela ston i pundaun na kilim i dai wanpela man bilong ples Barim. Long dispela taim, diwai i pundaun na paitim wanpela meri, tasol ol i salim em long haus sik na em i kamap orait

Sios i ksim K13 milien

LONG 1994 mani plen we Sir Julius Chan i tokaut long en long Tunde las wik, ol sios i ksim K13 milien long helpim ol i go hetim ol wok bilong helt na skul insait long kantri.

Asbisop bilong Katolik Sios long Mosbi, Sir Peter Kurongu i amamas long gavman i luksave long wok bilong sios long kantri na i givim dispela hap mani i go long ol. Em i laikim gavman i strongim gutpela wok bung wantaim ol sios na ol i ken helpim ol wok bilong pel na kantri.

Long dispela taim tu, ol sios i painim hevi long mekim ol wok bilong helt na skul insait long kantri bikos mani i sot. Asbisop Kurongku i tok dispela K13 milien bai helpim tru wok strong long helpim ol pipel long ples long ksim gutpela sevis long helt, komyuniti, vokesenel, na hai skul.

Em i tok amamas tu long gavman bilong daunim skul fi takis i go long ol papamama bilong dispela kantri. Bikos ol papamama i laikim ol pikinini bilong ol i ksim gutpela kristen skul, ol i salim ol i

go long ol non gavman skul. Na gavman i bihainim gutpela rot long rausim takis long ol.

Em i tok moa tu olsem PNG em i wanpela strongpela kristen kantri long wol. Na tupela (gavman na sios) i ken wok bung wantaim long givim gutpela sevis i go long ol pipel bilong olgeta hap bilong kantri.

Em i ting tu olsem ol narapela bikpela sios long kantri bai i soim amamas bilong ol i go long gavman bilong givim ol dispela hap mani.

DIPATMEN bilong Transpot i wokd long stretim nau wanpela 5-yia developmen plan. Taim ol wok bilong dispela plan i kamap na i go inap long yia 2014,90 pesen bilong ol ples na provins long kantri bai i gat rot i joimim ol.

Dispela 5-yia plan bai kosim gavman K1.6 bilien.

Minista Bilong Transpot, roy Yak mekim dispela tokaut long plen bilong dipatmen bilong em.

Mista Yaki i tok long

narapela yia, gavman aninit long dipatmen bilong em bai kirapim 5-pela bikpela rot projek insait long kantri. Dispela 5-pela projek ya em: Is Nu Briten-Wes Nu Briten haiwe, Madang-Simbai-Westen Hailans haiwe, Is Sepik-Wes Sepik haiwe, Galf-Sauten Hailans haiwe na Maun Kare-Tari rot na Galf ov Papua Si Pot.

Mist Yaki i tok dipatmen bilong em i skelim pinis K2 milien long statim wok long dispela ol rot projek long 1995.

Em i tok astingting bilong dipatmen bilong em long wokim 700 kilomita nesenel rot. Long dispela 100 kilomita bai stap insait long ol nupela rot. Na 300 kilomita bai stap insait long ol opela rot.

Dispela bai karamapim 14-pela rot projek em bai kos inap long K23,900,000 na 6-pela nupela rot projek. Kos bilong dispela 6-pela nupela rot projek em K10,900,000.

Long nesenel baset bilong narapela yia, gavman i skelim

K106,332,100 long Transpot dipatmen. Hia em rot Transpot minista i brukim na skelim dispela mani: Wokim ol nupela rot na stretim ol nesenel rot-K39,225,100; wokim wok long mekim ol nesenel rot i stap gutpela-K28,000,000; wokim ol bris na tu stretim ol bris-K5,197,000; ol provinsal rot-K22,910,000; rot transpot regulesen na operesen-K2,994,000; wata transpot sevis-K4,680,000.

Ol senis long beng

NEM bilong Egrikalsa Beng bilong Papua Niugini nau bai senis i go kamap olsem Ruel Developmen Beng bilong Papua Niugini.

Namba Tu Praim Minista na Minista Bilong Fainens na Plening, Sir Julius Chan i tokaut long dispela samting long las wik Tunde, Novemba 16. Dispela em taim em i mekim toktok long baset bilong 1994.

Sir Julius i tok bihainim dispela senis bilong nem, ol lo bilong givim dinau mani bai senis tu. Dispela ol senis bai makim ol bisnis na developmen wok ol pipel insait long ol ruel eria i tingting long kamapim o i wok long ranim.

Em i tok aninit long ol senis bai kamap, Egrikalsa Beng bai kamapim ol nupela rot long givim aut dinau mani. Dispela ol nupela rot em:

- (1) givim dinau mani long manmeri i kam long ol eria i nogat gutpela developmen i kamap;
- (2) liklik dinau skim bilong ol meri na grup bilong ol meri;

- (3) liklik dinau skim bilong ol yut grup;
- (4) spesel kredit skim long helpim wok bilong stretim gen sindaun bilong ol pipel long Not Solomons provins;

- (5) givim aut dinau mani i go long ol non gavman oganaisesen na
- (6) givim aut dinau mani we gavman i tok orait long en.

Sir Julius i tokaut long Palamen olsem long nesenel baset bilong narapela yia, em i skelim K10 milien i go long Agrikalsa Beng.

Plen bilong 5 - pela rot projek



# TU MINIT TINGTING

## PASIN BILONG LUKIM PES LONG GLAS

ATING yumi olgeta wan wan i gat sampela glas bilong lukuk i stap nabaut long haus bilong yumi. Ating ol man i gat wanpela long rum waswas we ol i save sev wantaim kaparesa. Ating ol meri i gat wanpela long rum slip o insait long liklik hanbek o poket bilong ol. Ating yumi olgeta i laik lukim pes bilong yumi long glas.


Insait long Baibel i no gat planti stori long glas bilong lukluk, tasol long Jems 1:23 i gat dispela hap tok, "Sapos wanpela man i harim nating tok bilong God na em i no bihainim, em i olsem man i lukim pes bilong em long glas. Em i lukim pes bilong em yet, tasol em i go na kwiktaim em i lusim tingting long em i wanem kain pes."

Long olgeta taim yumi lukim pes bilong yumi long glas, yumi laik painimaut olsem: pes bilong yumi em i naispela, o em i doti, o em i gat grille o kain samting olsem. Yumi no

laikim pes bilong yumi i no nais. Nogat. Na sapos yumi painim kain kain mak o sua long pes bilong yumi, yumi save rausim long sop na marasin. Yumi laik luk nais.

Pes bilong yumi em i no samting bilong ausait tasol. Nogat. Pes bilong yumi i olsem wanpela glas o windo i soim insait bilong yumi. Long taim yumi lukim pes bilong yumi long glas, yumi mas askim yumi olsem: "Ating pes bilong mi i soim mi wanpela gutpela man/meri, laka?"

Mi gat wanpela stori long dispela. Em i go olsem. Wanpela fama i wokabout i kamap long wanpela hul wara i stap insait long wanpela liklik viles. Em i taitim wanpela baket long hap string, na larim em i go daun insait long hul wara. Bihain baket i pulap long wara, em i pulim em i kam bek antap. Nau em i dringim planti wara, na i klinim pes bilong em, na



FRANK MIHALIC i raitim

nau em i go bek long hul wara na em i lukluk i go daun insait long wara. Em i no gat tok; em i lukluk tasol i stap.

Orait, wanpela liklik boi i lukim fama i mekim ol dispela samting na nau em i askim fama, "Bilong wanem yu lukluk i go daun insait long hul wara? Yu lukim wanem samting?"

Na fama i tok, "Mi lukim God."

Nau fama i litimapim liklik boi na i bringim em i kam long banis bilong hul wara, na tupela wantaim i lukluk i go daun. Nau liklik boi i tok, "Mi no lukim wanpela samting long wara; mi lukim pes bilong mi tasol."

"Em nau!" fama i tok. "Pes bilong yu em i ples we God i stap."

Olgeta taim yu lukim pes bilong yu long glas o long wara, yu mas tok, 'Nau mi lukim God.' Long wanem, God i stap insait long yu."

Ating long olgeta moningtaim yumi wan wan inap long bihainim dispela liklik skul na tingim God i hait i stap insait long pes bilong yumi.

Long tok pisin yumi gat tok long 'glasim wanpela sip.' Em i olsem: wanpela sip i go pas longwe na yumi no inap lukim ol boskru i stap long en. Orait, yumi sanap long nambis o long maunten na yumi sutim

lait bilong glas i go long sip. Nau ol man i lukim dispela griting bilong yumi na ol i bekim wantaim liklik glas bilong ol yet.

Tasol, sore. Sapos san i no lait, yumi no inap glasim sip. Long wanem, glas yet i no gat lait bilong em, olsem wanpela sutlam i gat. Nogat. Glas i save givim bek lait em i bin kisim long san.

Mi save long wanpela boi em i wokim wanpela pilai wantaim liklik hap glas bilong lukluk. Em i save raun long ples wantaim liklik hap glas bilong em, na em i save sutim lait bilong san i go insait long ol haus we em i lukim ol rum i tudak.

Olsem tasol yumi inap kisim lait bilong bilip, em yumi bin kisim long God, na sutim i go insait long ol ples tudak nabaut long yumi. Ating ol manmeri i stap long rum na pasin tudak, ol inap lukim dispela laik bilong yumi na glasim yumi bek.

## Wok i go het long Peter ToRot memorial sios



• Ruffian Mama, em i wanpela pikinini meri bilong Peter ToRot. Em i holim poto bilong papa bilong em.

### DANIEL MONA i raitim

LONG SANDE Oktoba 14, planti Katolik manmeri long Gerehu i bin bung long wanpela lotu sevis na bihain long lotu ol i bung long salim ol samting bilong kamapim liklik mani bilong Peter ToRot Apil. Dispela lotu i bin kamap long Sen Charles Lwanga Katolik Sios. Na ol i bin kamapim samting olsem K3,000 long dispela de.

Ol Katolik komyuniti bilong Niugini Ailans rijon yet i bin go pas long dispela lotu na fan resing. Ol narapela Katolik peris insait long Mosbi i bin helpim ol lain bilong Gerehu.

Dispela em i namba tri taim Gerehu peris i mekim dispela kain

bung.

Ol soldia bilong Japan i bin kilim Peter ToRot long taim em i strong long mekim wok bilong en olsem wanpela kateket. Long dispela taim woa i bin kamap na ol i tambuim olgeta man long mekim wok mesineri insait long Rabaul.

Bihain long sios sevis, grup bilong Niugini Ailans na ol grup i makim wan wan peris long Mosbi i bin kamapim ol tumbuna danis na singsing bilong ol. Ol yangpela bilong Katolik Karismetik long Gerehu i bin kamapim ol kwaia singsing na Baibel drama long amamasim ol pipel long dispela bung. Ol bin salim tu ol

kaikai na loliwara samting long taim bilong pilai. Bihain long en, ol bin lukim vidio piksa long laip bilong Peter ToRot.

Siaman bilong Peter ToRot Memoriel Sios fan resing Mista Dominik Tomar i tok olsem komiti bilong em bai kamapim yet mak bilong K100,000 we ol i tingim long kamapim.

Komiti na ol Katolik pipel long Mosbi i kamapim pinis tupela bikipela fan resing. Namba wan em long mun Septemba long Sen Joseps Katolik Sios Hal long Boroko na narapela em long Mari Bareks Katolik sios. Dispela tupela bung i kamapim pinis mani inap long K8,000.

Ol Katolik peris insait long Rabaul tu i go het long bungim mani. Mista Tomar i tok planti grup long kantri na komyuniti i redi tasol long givim helpim bilong ol long dispela samting. So i luk olsem ol bai kamapim yet taget mak bilong K100,000.

Peter ToRot em i namba wan man bilong PNG na tu long Pasifik eria husat ol bikman bilong Katolik Sios i givim luksave olsem em i wanpela santu man. Na long makim dispela, hetman bilong lotu Katolik long wol, Pop Paul bai i kamap long kantri na go long ples tru bilong Peter ToRot long ples Rakunai long Is-Nu Briten we bikipela lotu bung bai i kamap.

## Toktok long fridom bilong ol sios

I BIN gat wanpela kibung i kamap long lukluk long fridom bilong ol sios long PNG. Dispela kibung i kamap long Mosbi long Trinde Novemba 17 na sampela bikipela toktok i bin kamap we ol memba i wanbel long en. Sampela long ol toktok em:

Long larim olgeta sios insait long PNG i mekim wok bilong ol olsem mama lo bilong kantri i tok. Histri bilong ol sios long olgeta hap bilong wol i soim olsem maski kantri i laikim wanpela sios tasol dispela tingting i no inap tru long karim kaikai. Oltaim bai i gat hevi i kamap.

Olgeta man i gat rait long painim wanem samting i tru. Na fidom long larim ol man i bihainim sios long laik bilong ol em i wanpela bikipela samting. Buk Baibel tu i sapotim dispela tingting. Na gavman i mas larim dispela samting tu i kamap na i stap.

Ol sios i tok sapos gavman i putim lo bilong bosim ol sios na wok bilong ol insait long kantri, dispela bai i bagarapim tru bilip bilong ol kristen sios long wol. Em ol biliv long laikim wanpela narapela olsem Jisas yet i skulim yumi long en na tu soim rispek na marimari long ol narapela brata na susa bilong yumi.

Ol kristen sios insait long kantri i mas redi long salensim ol nupela senis we i wok long kamap long pasin bilong autim bilip.

Moa long 50 pipel, planti long ol em ol bikman bilong ol Kristen Sios insait long kantri i bin kamap dispela long bung long Yunivesti long Waigani. Ol mausman bilong ol sios i bin kam long Mosbi, Lae, Kavieng na long ol arapela hap bilong kantri. Sampela mausman bilong ol narapela lotu olsem Muslim na Bahai i bin stap tu.

Insait long ol bikipela toktok we Sief Jastis bilong PNG Arnold Amet i bin mekim em long dispela bung em, long larim wan wan man yet i lukim na skelim wanem sios em i laik kamap memba long en. Bikos dispela em i wanpela long ol rait we yumi olgeta pipel i gat aninit long seksen 45 (1) long mamalo bilong yumi long kantri.


Papua Niugini Kaunsil ov Sios i bin tingting long kamapim dispela bung bihain long ol i kisim hevi na komplem i kam long planti kristen pipel husat i no amamas long ol nupela sios i wok long kam insait long kantri.

Orait, Seketeri bilong Kaunsil Reveren Leva Pat i tok wankain bung bai i kamap long neks yia. Dispela em i bilong bungim ol kristen sios long toktok wantaim na wokbung long kamapim gutpela wok bilong ol sios insait long kantri.



• Ol lain bilong Gerehu peris i karim spesel ofa long taim bilong lotu.





- (Antap) Man i lukautim ol bulmakau bilong em.
- (Namel) Ol faktori bilong samapim klos i save mekim wankain pasin. Planti bilong ol i save kisim ol meri long mekim dispela kain wok. Pe bilong dispela wok i stap daunbilo.
- (Raithan) Kiribati em i wanpela liklik ailan kantri i stap long wansolowara bilong yumi. Em i stap antap long not bilong Papua Niugini. Ol pipel bilong dispela ailan i save strong long ol kalkai bilong solwara.



• Mama i kukim kalkai. Dispela meri Afrika i kukim kon plau long givim long famili bilong em. Wankain olsem yumi ol PNG, sampela pasin bilong ol i olsem yumi.

• Ol dispela skul pikinini long ples Katako long Gini, Afrika i amamas na ran i kam aut. Skul i pinis na ol i go nau long haus.




• Planti kantri long Afrika i save sot long kalkai. Dispela hevi i kamap bikosol i no was gut long graun bilong ol na ol enimal i pinisim gras na graun i stap ples klla. Orait long taim bilong san, nogat kalkai inap gro na wesana i tekova long ples.

## Ol Amerika i tingim Kennedy

LONG Mande Novemba 22, ol pipel bilong Amerika i tingim de em man ol i kolim Lee Harvey Oswald i kilim Presiden John F Kennedy. Dispela birua i bin kamap long Dalas Teksas long 30 yia i go pinis taim Presiden Kennedy na meri bilong em i ran long ka. I no gat ruf long ka. Ol pipel i bin sanap arere long rot na tromoi han long em. Long dispela taim Oswald i bin stap antap long wanpela haus na em i sut long ka bilong presiden Kennedy. Katres i kisim em na wanpela katres i sutim tu wanpela bodigad bilong em. Presiden Kennedy i bin dai olgeta. Ol narapela pipel long olgeta hap long wol i tingim tu dispela bikpela de bikos Presiden Kennedy i bin wanpel strongpela liida.




# Lower



RAMU SUGAR 1 KG  
WERE K1.49  
**K1.39**

**WHY PAY MORE?**



LUX BATH SOAP ASST'D COLOURS 100G.  
WERE .37t

**.33t**

**WHY PAY MORE?**



PALMOLIVE DISHWASHING LIQUID 500MLS.  
WERE K2.00

**K1.85**

**GUARANTEED QUALITY!**



SAXA TABLE SALT PLAIN & IODISED 750G

WERE K1.22 **K1.05**



WATTIES PEACH SLICES 425G. WERE K1.38

**K1.25**




HEINZ TOMATO SAUCE 300 MLS. WERE .98t

**.91t**




PRIMA ORANGE JUICE 1 LTR. WERE K2.15

**K1.99**



PAULS LONG LIFE MILK 1 LTR. K1.36

**K1.19**



BLUE BIRD ASSORTED CHIPS 50G.

WERE .63t **.59t**



SUNCRUSH CORDIAL ASSORTED FLAVOURS 2 LTRS. WERE K3.05

**K2.99**



BUSHHELLS B/L TEA 50's WERE K1.36

**K1.19**



PARADISE PEANUT WAFER 45G. WERE .37t

**.29t**




ARNOTT'S FAMILY ASST'D 50G. WERE K3.24

**K2.99**



MARS BARS 60GM WERE .93t

**.79t**




NESTLE'S MILO 200G WERE K1.98

**K1.69**

**Specials available November 22nd till December 4th 1993**



# Prices



FROZEN TURKEY ALL SIZES. WHOLE KG  
WERE K13.08  
**K10.95**

**GUARANTEED QUALITY!**



LAMB LEGS T/P KILO  
WERE K6.49  
**K5.49**

**WHY PAY MORE?**



ILIMO CHICKEN SIZE 9  
WERE K3.51  
**K3.15**

**SUPER VALUE!**

## FRESH and TENDER MEAT




FRESH T-BONE T/P  
WERE K8.99  
**K7.49** KG

## From The CHILLER



CHESDALE PLAIN  
PROCESSED CHEESE  
250GM. WERE K1.68  
**K1.35**

## FRESH FRUIT and VEGE.



HIGHLANDS  
POTATOES  
WERE 81t  
**.73t** KG



EDGELLS  
GREEN PEAS  
500GM. WERE K1.93  
**K1.64**



MEADOWLEA  
MARGARINE  
1 KG. WERE K2.52  
**K2.27**

**FRESH  
FOOD  
COSTS  
LESS...**




# Pasin bilong rausim bilum long ol mama

LONG ples bilong mi i gat wanpela kastom olsem olgeta yangpela manmeri i mas karim bilum. Dispela em long soim olsem ol i no moa manki o ol liklik pikinini. Ol i kamap bikpela manmeri pinis. Long soim olsem ol i kamap man na meri, ol i mas i gat ol samting olsem buai, daka na smok insait long bilum bilong ol. Bikos em i no gutpela pasin long askim ol lapun manmeri na papamama bilong ol long givim buai, daka na smok long ol.

Mi ken tok stret olsem dispela pasin o kastom i no stap long ples bilong mi tasol. Em i stap long olgeta ples insait long kantri bilong yumi. Wan wan ples i gat astingting na kastom bilong ol yangpela manmeri i mas karim bilum. Long sampela hap mi no klia long wanem kain ol kastom na astingting i karamapim dispela samting. Long ples na eria bilong mi, olgeta yangpela manmeri i mas karim bilum.

Sapos wanpela yangpela man o meri i no karim bilum, em bai askim ol narapela long givim em buai, daka na smok. Sapos em i no karim bilum, taim em i marit em bai i no inap tru long karim bilum long pulapim buai, daka na smok. Em bai askim tasol ol arapela manmeri long givim em dispela tripela samting. Em nau ol bikman bilong ples bai tok olsem dispela em i no wanpela gutpela pasin tumas. Na dispela pasin bilong em long askim i ken bringim sem long em yet na tu long famili bilong em. Taim em i

**NABAUT  
LONG PNG**



Wantaim **GODFRIED NIAKA**

gat pikinini, sampela pikinini bilong em i ken bihainim pasin bilong em.

Olgeta manmeri na pikinini long Papua Niugini i save karim bilum ol lapun, yangpela, sumatin, mama, papa, lek nogut na han nogut, politisen, loya, plisman, sekyuriti gad na tu ol arapela manmeri. Sapos yumi lukluk na glasim gut, bai yumi luksave olsem namba bilong ol meri husat i save karim bilum o han beg i winim namba bilong ol man.

Mi no gat kros long ol manmeri i karim bilum, han beg, basket o kain kain beg. Bikos dispela em i kastom bilong yumi we i stap wantaim ol tumbuna bilong yumi longtaim yet i kam inap nau. Ol tumbuna bilong yumi i mekim dispela samting i go na i kamap wanpela kastom bilong yumi. Olsem na mipela i wok long bihain dispela pasin. Taim wanpela meri o man i karim basket o bilum, em i pilim olsem em i wanpela trupela man o meri. Em i ken toktok na wokim disisen insait long famili na ples bilong em.

Kros o bel hevi bilong mi i stap long ol papa bilong ol bikpela

stua na tu sampela liklik stua long olgeta provins long kantri. Bikos olgeta bikpela stua insait long kantri i gat ol sekyuriti gad i sanap long dua bilong stua. Mosbi i win tru long dispela pasin.

Samting we i save wokim het bilong mi i save pen nogut tru long lukim em ol sekyuriti gad i save tokim ol manmeri long putim ol bilum, han beg na ol arapela kain beg long wanpela hap kona klostu long dua. Na wanpela o tupela sekyuriti bai was. Sampela taim ol sekyuriti i save sekim bilum na han beg bilong ol manmeri.

Dispela pasin i no gutpela tumas. Bikos bilum o han beg bilong wanpela man o meri em i bilong em. Wanpela arapela man o meri i no gat rait long sekim bilum o han beg. Dispela bilum o han beg em i bilong em. Em i papa o mama bilong dispela bilum o han beg.

Mi no save amamas long lukim ol sekyuriti gad i sekim o tokim ol lapun meri, mama na yangpela meri long lusim bilum o han beg wantaim ol sekyuriti. Mi no save watpo na ol sekyuriti gad i

wokim olsem long ol meri? Mi no save watpo na ol sekyuriti gad i lukim ol meri olsem ol i ken stil? Watpo na ol sekyuriti gad i no gat pasin bilong i gat rispek long ol meri?

Dispela em i no wanpela nupela samting. Planti manmeri insait long kantri i save long dispela pasin. Planti manmeri i kros pinis wantaim ol sekyuriti gad long dispela pasin. Planti sekyuriti gad i paitim pinis planti manmeri. Bikos ol manmeri i no harim tok bilong ol sekyuriti gad na lusim bilum o han beg bilong ol. Sampela taim ol sekyuriti i save rausim ol manmeri husat i no harim tok bilong ol na lusim bilum o han beg bilong ol.

bilong em i go insait long stua na sekyuriti bilong dispela stua i tokim em long lusim bilum o han beg bilong em. Nogat wanpela man i longlong olsem wanpela wel pik bilong bikbus. Maski wanpela man o meri i longlong em i gat sampela gutpela tingting i stap yet wantaim em.

Eksampel-nogat wanpela long man o meri i ken kaikai pekpek o go antap long diwai na kalap i kam daun. Yumi olgeta i save long wanem samting i rong na wanem samting i rait. Mi no ting wanpela yangpela meri bai go insait long wanpela stua na lukim wanpela gutpela andapens na aigris long en. Na taim em i luksave olsem nogat wanpela sekyu-



Planti manmeri long taun na tu long ol rurel eria i no amamas long dispela pasin ol sekyuriti i save mekim. Bikos bilum o han beg em i bilong ol na no gat wanpela man o meri i gat rait long rausim long han o solda na sekim bilum o han beg bilong ol.

Watpo na ol sekyuriti gad i save tokim ol manmeri lusim bilum o han beg bilong ol wantaim ol? Bikos ol i save ting olsem nogut ol manmeri i kisim bilum o han beg i go insait long stua na stilim ol samting. Inap wanpela redio i ken go insait long wanpela liklik han beg o bilum? Sapos em i ken go insait, wanem rot bai wanpela man o meri i kisim dispela redio i go ausait long stua? Bikos ol sekyuriti i sanap long dua i stap.

I gat gutpela rot i stap we ol papa bilong ol stua i ken stopim ol manmeri long stilim samting. I no olgeta manmeri i save stil. Gutpela rot long stopim stil pasin long kamap em ol papa bilong ol stua i mas tokim ol sekyuriti gad long wokabout raun insait long stua na lukim olsem ol manmeri i no ken stil. Ol sekyuriti gad i ken sanap long dua bilong stua. Bikos ol i mekim wok bilong ol. Tasol papa bilong stua i mas tambuim o stopim ol long no ken sekim han beg o bilum bilong ol manmeri. Na tu ol i no ken tokim ol manmeri long lusim bilum o han beg long dua.

Mi no save ol sekyuriti i save pilim olsem wanem taim ol i tokim wanpela lapun meri, mama o yangpela meri long lusim bilum o han beg bilong em.

Mi no save wanpela sekyuriti gad bai pilim olsem wanem taim em i go long wanpela arapela hap na i laik karim bilum o han beg

riti gad i lukim em, em bai hariap tasol kisim na haitim long sket bilong em.


Mi no ting wanpela lapun meri o man bai mekim wankain samting long wanpela tin pis. Bikos em i save olsem sapos em i traime long stilim, ol sekyuriti gad bai holimpasim em na paitim em. Na taim ol plisman i kam, ol bai kisim em i go na putim em long rum gad long plis stesin. Orait bihain em bai sanap long ai bilong kot.

Pasin ol sekyuriti gad i wokim i soim ples klia stret olsem ol dispela ovasis bisnisman husat i gat ol bikpela stua insait long Papua Niugini i no gat rispek long kastom bilong yumi. Ol i ting olsem ol i ken go het na bagarapim o rausim kastom bilong yumi. Mi mekim dispela tok bikos ol papa bilong ol stua i givim tok orait long ol sekyuriti gad long sekim na tu tokim ol manmeri long lusim bilum na han beg bilong ol.

Yupela ol sekyuriti gad, mi laik tok klia long yupela olsem kantri bilong yumi Papua Niugini i pulap long kain kain pasin tumbuna. Pasin tumbuna bilong yumi i winim tru pasin tumbuna bilong ol arapela kantri. I tru olsem yupela i mekim wok bilong yupela long kisim liklik mani long lukautim ol famili bilong yupela. Tasol plis, mi askim yupela long mekim wok bilong yupela long stretpela na gutpela pasin. No ken bihainim tingting bilong ol Saina na arapela waitman na bagarapim kastom bilong mipela long sekim bilum o han beg bilong ol manmeri.

Yupela i no kamap sekyuriti gad long was long ol bilum na han beg. Yupela i kamap sekyuriti gad long lukim olsem ol manmeri i no ken stilim samting long stua.

**KWIKBUILT**  
LOW COST KIT HOMES



**K3-30C LOW SET KIT HOME**  
30 SQUARE METRES  
FEATURING

- \* 3 Bedrooms
- \* Living Room
- \* 4.8m verandah
- \* Pressure treated wooden house stumps



**WHY YOU SHOULD BUY!**

- \* Manufactured to the high standards required by the P.N.G. conditions
- \* Only P.N.G. timbers of durable C.C.A. treated pine and treated hardwood are used.
- \* External walls in treated local plywood.
- \* Roof is quality Zincalume corrugated sheeting
- \* Windows are glass louvred
- \* Easily transported to any location
- \* Simple to assemble with instructions in Pidgin and English
- \* Low cost to suit most budgets
- \* Please consider



**Steamships HARDWARE**

HELPING TO BUILD THE NATION

**WAIGANI PH: 25 6755 FAX: 25 4178**  
CONTACT JACK IN SALES OFFICE



## Egrikalsa i strong long Siwai

OL LIDAMAN na pipel insait long Saut wes Interim Atoriti eria long Bogenvil i bilip egrikalsa bai kirapim gen wok mani long ailan.

Bilong strongim dispela tingting ol pipel long Siwai eria i kirapim Saut wes Egrikalsa Faundesen long olupela DPI stesin long Konga. Na ol i sanapim wanpela neseri we ol i groim kadamon, kon, pinat, kakau, sogum na ol sampela arapela moa.

Siama bilong Saut wes Interim Atoriti Nick Penia i tok maski gavman i no givim mani long helpim wok bilong egrikalsa aninit long restoresen program, ol i painim yet mani long strongim dispela wok. Bikos moa long 99 pesen bilong ol pipel long ailan i stap long ples na egrikalsa em i bikpela samting tru we bai i lukautim sindaun bilong ol.

Mista Penia i tok ol i askim pinis nesene gavman long mani inap long K25,000 bilong helpim faundesen ya. Tasol long nau, ol i yusim K50,000 we

Atoriti i autim long hap mani bilong stretim ol rot, bris na ol kain samting aninit long restoresen program long ailan.

Em i tok moa tu olsem long neks yia, bai faudesen i kisim helpim i kam long Japan wantaim mani na ol mansave long wok bilong egrikalsa long go hetim strong dispela prosek.

Mista Penia i tok tu olsem long nau gavman i tingting tasol long stretim ples, ol rot na sindaun bilong ol pipel. Tasol em i mas luksave tu olsem egrikalsa em i bikpela samting bilong kirapim wok mani bilong ailan. Na i moabeta long givim sapot na helpim wantaim dispela samting. Bikos em strong na laik bilong ol pipel yet long kirapim dispela faundesen.

Orait, opis we faundesen bai i mekim wok bilong en i klostu pinis nau. Na long mun Janueri neks yia, opis opening bilong faundesen bai i kamap.

Dipatmen bilong Primeri Industri i helpim dispela prosek.



• Ol pipel bilong Buka i salim pul long maket. Susa ya i smail na soim wanpela K4.50 pul. Foto Alois Sami

## Atiyafa askim long wara projek

### SAPE METTA i raitim

PRIMIA bilong Isten Hailans provins Robert Atiyafa i laik ol soldia bilong Indonesia i helpim ol wantaim wanpela wara saplai prosek long provins.

Mista Atiyafa i bin putim askim bilong em i go long bosman bilong wanpela delegesen bilong Indonesia na Hom Afeas Minista Yogie Memet husat i bin stap long kantri las wik long wanpela bung long Rabaul. Ol bikman bilong tupela kantri i bin toktok long edministresen bilong boda eria bilong PNG na Indonesia.

Mista Atiyafa i bin askim strong Mista Memet long toksave long hetman bilong difens long kantri bilong em na ol arapela bikman long askim bilong em. Bikos pipel i nidim tru helpim wantaim wara saplai prosek.

Long taim olupela memba bilong Unggai-Bena Benias Sabumei i bin Difens Minista, em wantaim ol ami bilong Indonesia i bin kamapim wanpela tok orait long kirapim dispela wara saplai projek long hap bilong Bena. Tasol long taim gavman bilong Namaliu i lus long 1992 nesene ileksen, dispela projek i no go het.

Mista Atiyafa i laik kirapim gen projek sapos ami bilong Indonesia i redi long salim ol lain bilong en.

## Ol pipel i kirap nogut long nupela lo

OL PIPEL bilong ples Rempi na Mis long Madang provins i tokaut olsem ol i no amamas long nupela Intenei Sekyuriti Ekt na ol arapela nupela lo gavman bilong Praim Minista Paias Wingti i kamapim.

Ol i tok strong olsem kantri i wok long bagarap nau bikos ol rait na fridom bilong olgeta manmeri na pikinini i wok long lus.

Wanpela lida bilong ples Rempi, Kato Tok i tokaut olsem olgeta pasin tumbuna bilong raun na lukim ol wanpinis na wanblut na pren long ol arapela provins bai lus olgeta.

"Watpo na dispela gavman i no laik toksave long mipela. Na kisim tingting bilong mipela ol pipel pastaim na putim dispela lo," Mista Tok i askim. Em i tok em i gat bilip olsem gavman i tingting long em yet na i laik rabisim ol pipel.

Mista Tok i bin askim ol lain bilong Non Gavman Oganaisesen (NGO) long makim maus bilong ol pipel long ples. Na toksave long gavman long belpen bilong ol long dispela nupela lo.

Long las wiken, sampela lain NGO i bin ranim

wanpela skul bilong lukautim bus, graun, rait/pawa bilong ol pipel olsem waspapa na wasmama bilong graun. Dispela skul i bin kamap long Madang. Long dispela taim ol lain NGO i go raun long sampela ples long Madang na tok klia long ol pipel long ol nupela lo gavman i wokim.

I luk olsem planti manmeri insait long kantri i no save long ol nupela lo gavman i wok long kamapim. Na planti manmeri i bilip olsem ol nupela lo bai rausim na bagarapim ol olupela gutpela lo i stap insait long Mama Lo bilong kantri.

Planti pipel i wok long askim ol yet ol kwesten olsem: Watpo na gavman i no laik toksave long mipela ol pipel long dispela lo? Dispela lo i kam long wanem hap tru? Dispela lo bai stopim o daunim hevi bilong lo na oda o nogat?

Insait long dispela skul, ol lain NGO i tok klia long ol pipel long save long lo long was long rait, pawa ol i gat long stap olsem ol waspapa na wasmama bilong bus, graun, wara na solwara na arapela samting bilong ol.

# NOKEN BAIM MOA LONG OL STOA!



10t  
TASOL



10t  
TASOL



10t  
TASOL



10t  
TASOL



"NAU 63% BIKPELA MOA!"

5t  
TASOL

Sapos ol askim moa...go long narapela stoa!



# PNG tu mas salim ol misinari go long ovasis Gavman mas sapotim ragbi

**Dia Edita,**  
Mipela ol manmeri long Papua Niugini i mas givim bikipela tok tenkyu i go long Bikipela God bilong yumi. Bikos em i bin kisim yumi bek long han bilong sin na satan.

Mipela i mas givim narapela bikipela tok tenkyu i go long em long salim ol wokman na meri bilong em long ol arapela kantri i kam long Papua Niugini. Long helpim yumi long save long Gutnius bilong em.

Tude, long lukluk bilong mi, Papua Niugini i gat planti wokman na meri bilong Bikipela God. Namba bilong ol misinari long kantri bilong yumi i winim tru ol arapela kantri insait long wol.

Bikos long dispela as, mi laik askim nau olgeta

ta sios insait long kantri long lukluk na salim sampela wokman na meri bilong Bikipela God i go long ol arapela kantri. Em i taim kantri bilong yumi i mas soim ol arapela kantri long wol olsem Papua Niugini i gat bikipela tingting long helpim na mekim wok bilong Bikipela God i go kamap moa bikipela. Na long wankain taim na Papua Niugini i gat tingting long helpim ol arapela kantri long save long trupela tok bilong God.

God i salim ol wokman na meri bilong em long ol arapela kantri i kam long Papua Niugini long helpim mipela. Olsem na mipela tu i mas lukluk na traim long givim helpim i go long ol manmeri long ol arapela kantri. Long dispela pasin tasol

olgeta kantri i ken wokbung na kamapim gutpela sindaun. Na olgeta pipel insait long dispela wol i ken painim gutpela amamas long kingdom bilong Bikipela long bihain taim.

Jisas yet i tok long buk Baibel (Matyu 24:14) olsem "Tok bilong mi i mas go aut long olgeta hap bilong dispela graun. Na bihain las de bai kamap." Olsem na ol sios insait long kantri bilong yumi i no ken tok olsem hevi bilong no gat mani i stopim wok bilong salim ol wokman na meri bilong God i go aut long ol arapela kantri. Yumi i mas sanap strong long bilip bilong yumi. Na askim Papa God long helpim yumi long mekim wok bilong em.

Yumi save gat krangi

tingting olsem ol waitman tasol i gat mani. Olsem na ol tasol i ken salim ol wokman na meri bilong God i kam long Papua Niugini. Na tu long ol arapela kantri. Dispela em i wanpela krangi tingting. Em i taim yumi mas luksave olsem Papa God i blesim na pulapim kantri bilong yumi wantaim planti gutpela samting olsem gol, kopa, wel, timba, kopi, kakao, tilip na planti arapela samting.

Gavman bilong yumi i ken yusim gut sampela mani bilong dispela ol samting long helpim ol sios. Na ol sios i ken karim aut wok long salim sampela sios wokman na meri i go long ol arapela kantri long mekim wok bilong God.

**Pasta Luke Willie Wami KIMBE**

**Dia Edita,**  
Mi wanpela strongpela sapota bilong ragbi lig na nesenel tim bilong yumi PNG Kumuls. Tasol nau mi wari long pefomens bilong ol bikos planti taim ol i no win long ol pilai ol i save stap long en ausait long kantri.

Olsem na mi laik mekim sampela askim i go long PNG Ragbi Futbol Lig na na tu long nesenel gavman long wari bilong mi.

Namba wan tingting: Inap ol bikipela kampani husat i wok long PNG i sponserim na sapotim gut PNG kumuls.

Namba tu: Inap gavman i lukluk long provaidim gutpela trening fesiliti bilong PNG RFL.

I gutpela sapos olgeta Kumul pilai i stap long fultaim trening, 5-7 de

long wan wan wik. Na PNG RFL i mas baim ol long olgeta fotnait. Ol pilai tu i no ken wok long narapela hap.

Ol man husat ol i makim long stap long Kumul tim i mas gat gutpela ekspirians long stail na pilai. Na ol i mas makim olgeta senta long kantri. Mipela sampela i no amamas long ol i wok long senisim nabaut ol nupela na olpela pilai.

Orait, long taim wanpela bikipela pilai i kamap, ol kumul pilai i mas tingting gut long pilai bilong ol. Ol i mas lusim beksait bia, meri, na ol arapela samting we i ken bagarapim wan wan pilai. Tru, mipela 4 milien manmeri bilong PNG i les pinis long long lukim ol kumul i lus olgeta taim long ol intenesel pilai. Mi no tok bai ol i mas win long olgeta taim. Nogat. Tasol ol i mas senisim stail bilong pilai bilong ol.

Ragbi i kamap long PNG moa long 25 krismas i go pinis. Tasol mipela i stap daunbilong yet. Wanem rot tru bai yumi bihainim long kamap gut olsem ol narapela kantri?

Mi ting gavman i mas sapotim tru ragbi lig.

Olsem mi tok pinis, kamapim gut ol trening fesiliti long kantri we ol pilai i ken kisim gutpela trening long en.

Tu, mi laikim ragbi long stat long komyuniti na haikul level. Long makim maus bilong planti ragbi lig fens long kantri, em i taim nau long lukluk long ol hevi bilong dispela pilai we yumi gat bikipela intres long en.

Taim ol bikipela kampani i wok yet long kantri, i gutpela long ol i givim helpim na sapot long ragbi lig.

Mipela i save olsem bikipela mani i save kamap long baim geit. Tasol mipela i no save dispela mani i go we tru. PNG RFL i mas yusim gut mani long kamapim gut pilai insait long kantri.

Gavman i mas lukluk na mekim sampela samting hariap long hapim stended bilong ragbi long kantri. Sapos gavman i no mekim wanpela samting hariap, bai i tu leit long bihain taim. Bikos ol minerel bilong kantri bai pinis. Na ol bikipela kampani tu i lusim kantri i go bek long ples bilong ol.

**Koropol Wape MENDI**

## Laik bilong wan wan

**Dia Edita,**

Mi bekim pas bilong wanpela brata i bin kamap long *Wantok Niuspepa* long Julai 25.

Brata ya i komplem long ol man i salim plaua na mit long maket. I no gat lo we i tambuim ol man long i salim kaikai long maket. Nogat.

Ating yu mas jeles tasol ya. Mi tokim yu no ken jeles long ol man husat i salim kaikai bilong ol long maket. Ol i ken salim wanem kain kaikai ol i laikim, maski kuk o i no kuk. Em laik bilong ol tasol.

Harim, yu tu i ken baim kaikai bilong yu, kukim na salim long maket. Na maski long strong tasol long dring bia. Tingting pastaim na bihain yu ken rait i kam long niuspepa.

**Ken Lun KIMBE**

## Ol leba woka i no kisim gutpela pe

**Dia Edita,**

Mi gat wanpela wari we mi laik autim long *Wantok Niuspepa* long ol man long lukim na skelim. Mi laikim tu Prais Minista Paias Wingti i lukim dispela hevi mi autim na lukluk long en. Na mekim wanpela samting long en.

Mi wari long ol leba woka bilong yumi wantaim ol pipel husat i save wok aninit long ol save manmeri bilong yumi.

Ol leba woka i no kisim gutpela pe liklik. Long wan wan potnait, ol i save kisim samting olsem K30 o K40 tasol. Na wantaim dispela kain mani, ol i no inap tru long lukautim famili bilong ol. Sapos pe i stap olsem long K70 o K80 long potnait, em i orait. Mipela i laikim gavman i lukluk long hevi bilong mipela.

Mipela ol grasrut i pilim olsem gutpela sevis bilong gavman i wok long go tasol long ol save manmeri bilong kantri wantaim ol waitman na ol leba wantaim ol grasrut i no kisim ol gutpela sevis.

**Gabby Tom P. O.Box 21 BIALLA**

## Rausim provinsal gavman sistem

**Dia Edita,**

Mipela ol grasrut bilong Tari long Sauten Hailans provins i givim ful sapot i go long gavman bilong Prais Minista Paias Wingti long tingting bilong em long pinisim olgeta wok bilong ol provinsal gav-

man long kantri.

Long ol yia taim ol provinsal gavman i wok i stap long kantri, no gat wanpela gutpela sevis i bin kam long mipela ol grasrut long ol rurel eria. No gat gutpela helpim i kam long ol sevis olsem et pos, skul na rot.



## Haus bilong minista i no opis

**Dia Edita,**

Inap yu givim mi liklik spes long putim komplem bilong mi? Mi wanpela manki Simbu

na mi stap long Is Boroko long Mosbi.

Long olgeta moning na apinun, mi save wokabout i go kam long wok. Taim mi wokabout i go na abrusim haus bilong Tred na Industri Minista David Mai, mi save lukim ol manmeri i save bung i stap long geit. Taim mi askim ol manmeri wanem samting tru ol i wet long en, ol i save tok olsem ol i wet long lukim Mista Mai.

Ol wantok, yupela i no ken long long. Haus bilong man em i haus

bilong em. Na em i sindaun wantaim famili bilong em. Taim yu gat wari, hevi o i laik toktok tu long wok bisnis, orait, go stret long opis bilong em. I gat ol wokman i stap long helpim yu.

Haus bilong minista em i no wanpela opis. Husat manmeri i laik bekim pas bilong mi, rait i kam tasol long *Wantok Niuspepa*. Na yumi olgeta i ken ritim na skelim.

**Emeri Piuna Sisi Is Boroko, NCD.**

## Jisas mas stap paslain

**Dia Edita,**

Mi wanpela manki Sepik tasol nau mi stap long Kimbe. Long sios nius long *Wantok Niuspepa* long Mas 18, mi bin lukim Tu Minit Tingting kolum bilong Pater Frank Mihalic na mi no amamas long sampela samting insait long en.

Brata, planti toktok bilong yu i gutpela. Tasol wanpela hap we mi lukim olsem yu bin giaman liklik long en em long dispela hap. Yu bin tok long ol Kristen tru i no save pretim dai. Long wanem dai em i rot long go long Heven.

Mi laik tokim yu olsem dispela tok bilong yu em i no stret tumas. Em i giaman toktok ya. Yu save ritim Baibel tu o nogat? Sapos yu save ritim Baibel na tok bilong God insait long en, i no gat wanpela hap we i tok dai bilong bodi em i rot bilong go long Heven.

Jisas i tok em tasol i rot, toktru na laip. Tru yumi olgeta Kristen i no wari long dai bilong dispela bodi, yumi mas wari long namba tu dai bilong spirit. Ating yu ting dai bilong yu bai i kisim yu i go long Heven?

Sori tru, sapos yu save long tanim bel, plis kisim Jisas tru long laip bilong yu na yu stap.

Yumi husat i kisim Jisas long laip bilong yumi, larim Jisas i go pas long laip bilong yumi. Yu husat susa o brata i laik lukim Baibel ves bilong Jon 14:6. Sapos husat man i laik sapotim o egensim mi, rait i kam tasol long *Wantok Niuspepa*.

**Tobias Kepas KIMBE**

**Husat i laik salim pas i kam long Edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko, NCD.**



# Ansa i stap long buk Baibel

Dia Edita,

Mi laik autim tingting bilong mi long *Wantok Niuspepa* na ol manmeri i lukim na skelim.

Nau ol nupela sik i wok long kamap long olgeta hap bilong graun. Ol dokta na ol save man long hausik i no painim yet marasin bilong pinisim sampela bilong ol dispela sik. Wanpela bilong ol we yumi save harim planti toktok long en em long sik AIDS. Sik AIDS i wok long kilim dai planti manmeri long planti hap long graun.

Mi putim wanpela askim bilong mi long pablik olsem sik i kamap pastaim long wanem hap tru? Orait mi ken tok sik i kamap long bipo tru. Long taim God i mekim olgeta samting, i no gat sik. God i mekim manmeri na i putim ol long Gaden bilong Iden. Na tupela i sakim tok bilong God. Long dispela asua tasol sin, sik na indai i kamap long olgeta manmeri long graun.

Nau graun we yumi stap long en i pulap

long ol kain kain sik. Tasol long liklik taim yumi stap long graun, yumi i mas lukautim bodi bilong yumi long ol kain sik nogut.

Orait long Kalang Tokbek So progrem wantaim Roger Hau'ofa long Julai 13 bilong dispela yia, progrem ya i bin tok tok long sik AIDS. Ol askim bilong pablik na ol ansa bilong penel i bin sut long hevi bilong dispela sik.

Mi laik tokim ol pablik olsem long asua bilong yumi wan wan, ol kain sik olsem AIDS na ol narapela STD sik olsem gonorea, sipilis na ol wankain sik olsem i kamap long yumi.

Long dispela progrem bilong Julai 13, wanpela askim i bin go long wanpela dokta olsem sik AIDS i kamap we tru. Na long bekim bilong en, dokta ya i tok em i no save.

Mi ting mi save long tingting bilong man husat i mekim dispela askim. Man ya i bin mas tingting olsem, ol narapela sik i gat marasin bilong pinisim

ol. Watpo na dispela sik AIDS i no gat marasin bilong em yet. Ating God yet i laikim man long kisim sik AIDS.

Yumi no ken sutim tok long God Papa bilong yumi. Bikos em no save grisim man long mekim ol pasin nogut bilong kamapim ol kain sik olsem. Man i kisim kain sik long bikhet na asua bilong em yet. God i tambuim dispela samting i no ken kamap. Tasol em i laik bilong wan wan manmeri yet long singautim sik i kam long ol.

Mi laik pinisim tok bilong mi olsem yumi i mas bosim gut laik bilong yumi long abrusim ol kain sik olsem AIDS we i wok long kamap bikpela tude long olgeta hap bilong graun.

Na tu no ken lusim tingting long ritim buk Baibel bilong yu long olgeta de. Bikos wanem ol samting yumi wok long painim na i no klia long en, ansa i stap long Baibel.

**Jonah Kam GOROKA**

# Plis no ken arestim nating ol man

Dia Edita

Mi gat wanpela bel hevi long wanem samting mi lukim long ai bilong mi yet. Olsem na mi laik tokaut long dispela bel hevi long *Wantok Niuspepa*.

Yes, bel hevi bilong mi i olsem planti taim mi save go raun long taun, mi save lukim olsem ol plisman i save arestim nating ol man. We ol plisman i ting olsem em ol trabelman. Samting tru i olsem dispela ol man em ol gutpela lain. Tasol ol plisman i save holimpasim ol nating.

Long tingting bilong mi, em i moa gutpela long ol plisman i mas askim ol pastaim. Bipo long ol i go het na arestim ol. Bikos i no olgeta man i bikhet o trabelman. Na tu olgeta pipel i gat rait long i mas save long wanem as na ol plisman i holimpasim ol.

Ol plisman i mas save long raitpela o stretpela rot long bihainim long holimpasim ol trabelman. Na tu stretpela rot long bihainim na askim ol manmeri em ol i ting i trabelman o trabelmeri. Ol plisman i

no ken go het na askim o holimpasim nating ol gutpela manmeri. Bikos kain pasin olsem i ken kamapim hevi namel long ol manmeri long pablik na plis fos.

Sapos plis fos i laik kamapim gutpela wok long daunim hevi bilong lo na oda, orait i mas bihainim stretpela rot. Na long wankain taim i mas wokbung wantaim ol manmeri long pablik na long ples insait long ol rueleria. Bikos taim gutpela wokbung i kamap, ol pipel bai i gat amamas long

helpim plis fos long mekim wok long daunim hevi bilong lo na oda.

Narapela samting i olsem sapos plis fos i kamapim kain pasin nogut olsem, ol manmeri long pablik bai i nogat rispek long ol. Na tu bai i no inap long i gat bilip long wok bilong plis fos. Bikos yumi olgeta i man. Sapos yu mekim o soim gutpela pasin long mi, mi tu bai mekim o soim gutpela pasin long yu.

**Manki West Sepik VANIMO**

## I no "Yauro"....."Io Uro"

Dia Edita,

Mi amamas tru long salim dispela pas i kam long *Wantok Niuspepa*. Bikos mi save amamas long ritim ol pas long *Wantok Niuspepa*.

Yes, sampela taim mi save ritim ol stori bilong Kanage na i save painim olsem sampela stori i save go krangi tru. Dispela ol stori i no gutpela long prinim long *niuspepa*.

Mi laik stretpela tasol wanpela hap tok planti manmeri husat i save raitim tok pilai bilong Kanage i save yusim. Dispela hap tok em ol i save yusim em "YAURO."

Dispela hap tok i min olsem "lukim yu o ok yu go." Tasol planti manmeri taim ol i raitim tok pilai bilong Kanage i save givim dispela hap tok i go long ol meri Tolai olsem nem bilong ol. Mi laik tokaut olsem dispela hap tok ya i no kamapim gutpela mining taim ol i givim olsem nem i go long ol meri Tolai. Na tu long tok ples Kuanua i nogat wanpela hap tok olsem "Yauro." I gat hap tok "Io uro" tasol.

Plis ol gutpela brata na susa bilong mi, no ken yusim nating tok ples bilong narapela ples sapos yupela i no save gut long mining.

**Io Uro Unapam**

**MADANG**

## LAIKIM PENPREN

**Nem:** George Hofa

**Krismas:** 16

**Adres:** P O Box 887, Wewak, ESP

**Save Laikim:** Raitim na kisim ol pas, danis na harim musik.

**Nem:** Moxon Mal

**Krismas:** 19

**Adres:** P O Box 887, Wewak, ESP

**Save Laikim:** Tok pilai, senisim presen na danis.

**Nem:** David Nings

**Krismas:** 20

**Adres:** P O Box 887, Wewak, ESP

**Save Laikim:** Lukim vidio, raitim pas na go long danis.

## Painim penpren

**Nem:** Benley Mathias

**Krismas:** 17 (man)

**Adres:** Hawain Vocational Centre, P. O. Box 256, ESP.

**Save Laikim:** Gospel na ol arapela musik.

**Nem:** Benedict Huingian

**Krismas:** 17 (man)

**Adres:** Hawain Vocational Centre, P. O. Box 256, Wewak, ESP.

**Nem:** Anki Rapa Stanly

**Krismas:** 21 (man)

**Adres:** P. O. Box 3771, Boroko, NCD.

**Save laikim:** Pilai osi rul, lukim piksa, harim radio na go lotu.

## Skul em ki bilong kisim save

Dia Edita,

Mi laik bekim pas bilong Fiona Jona i bin kamap long *Wantok Niuspepa* long Julai 1 long dispela yia. Fiona i no bin amamas long David Sylvester husat i bin sapotim Pater Frank Mihalic long sampela toktok em i mekim long kolom bilong em - Tu Minit Tingting.

Fiona i bin tok olsem "God i no wari long hamas save yumi gat. Dispela em i tru. Tasol save em i wanpela bikpela samting yumi mas lukautim long laip bilong yumi. Na givim yumi yet long Jisas.

Em i tok bai man i lukautim em yet olsem wanem sapos em i no gat save? Na sapos man i nogat wok, bai em i sindaun nating na givim em yet long Jisas? Man i mas kirap na wok long painim gutpela laip hia long graun.

God i no tokim yumi long sindaun nating na kisim fri samting. Olsem na skul em i samting we i kam yet long God. Em i olsem wanpela wok. Yumi mas wok hat long kisim save long lukautim yumi yet. Em i pasin tru bilong wok bembe long man i sindaun nating

na wetim ol samting i kamap long em.

Fiona i bin toktok moa tu long Baibel ves James 1: 26-27. Sapos Fiona i kisim moa save long Tioloji na skul long Baibel, orait, em i ken tokaut long mining bilong ol toktok long Baibel. Na yu ken skelim yu yet wantaim ol dispela Baibel ves. Em i no bilong skelim ol arapela manmeri.

Harim, Katolik sios i no hangamap long ol Baibel ves. Olgeta tok bilong God i no stap long Baibel. Bikpela samting em histori o tredisen bilong sios na bilip.

Mipela ol bilip manmeri bilong Katolik

sios i les pinis long bekim ol kain toktok.

Fiona i bin toktok tu long tanim bel. Yumi yet i no ken tok mi tanim bel pinis. O God i kisim mi pinis.

Yumi no save long tingting bilong God. God i no save skelim man long ausait. Nogat. Em i save skelim man insait long tingting. No gut yumi antapim yumi yet na bihain God i daunim yumi. Skul moa na kisim save. No ken hangamap long ol Baibel ves. Em bai i no inap long helpim yu.

**S. Dambul Bomana, NCD.**

Dia Edita,

Baibel i tok yu rausim plang long ai bilong yu pastaim na bihain yu inap long helpim brata bilong yu. No gut bikpela hap i stap yet wantaim yu na yu no inap long lukim pipia long ai bilong brata bilong yu. Klinim yu yet na bihain yu ken sasim o sutim tok long brata bilong yu.

Mi raitim dispela pas long olgeta manmeri long kantri husat i save ritim *Wantok Niuspepa*

i ken lukim na givim tingting bilong ol.

Yumi long kantri i wok long painim planti hevi, moa yet long han bilong ol raskel o ol man nogut. PNG em i wanpela Kristen kantri. Mi askim yupela olgeta pipel long yumi wokbung wantaim ol lain bilong Sios, plis, ol lida bilong ples, lokal gavman kaunsil na ol arapela wokmanmeri bilong gavman.

Mi save baim *niuspepa* long olgeta taim

na long planti taim, mi ritim ol nius bilong ol raskol lain i hansapim sampela lain wokman wantaim gan na tekov wantaim ol mani. Na sapos ol i no painim mani, ol i save kilim man i dai.

Orait askim bilong mi nau i go long bos bilong ol plisman. Yupela i save kanuim ol gan na katres long olgeta de, wik na mun o nogat? Long *niuspepa* na radio, mi save harim na lukim olsem ol

raskol ya i yusim ol strongpela gan na katres. Na husat tru i givim dispela samting i go long ol?

Ol i kisim long stua, bus, solwara, wara o aninit long graun?

Mi yet mi ting olsem planti raskol i yusim gan em ol plisman yet i save wokim rot bilong ol long kisim.

**Caspar Alson KIMBE.**

## Mi painim Teilo Map

Dia Edita,

Mi bilong Sauten Hailans provins. Mi wok long painim wanpela man nem bilong em Teilo Map. Dispela man em i bilong ples Lepora insait long lalibu distrik long Sauten Hailans provins.

Teilo Map i bin lus namel long yia 1982 na 1983. Teilo i bin stap wantaim kasen bilong em long Maun Hagen. Na wanpela plisman bilong Is Sepik i bin kisim em na lukautim em taim em i liklik manki yet. Plisman ya i lukautim Teilo i go inap em i bin i gat 9-pela krismas.

Bihain long dispela mi bin harim olsem em i stap long Mosbi namel long yia 1986 na 1987. Tasol long nau yet, mi no save long wanem hap em i stap. Mi gat bilip olsem em i mas stap long sampela hap insait long Niugini Ailan rijon.

Mi laik askim ol manmeri long pablik long helpim mi long painim Teilo Map. Sapos wanpela man o meri i save long dispela man, plis tokim em long rait long mi. Sapos yu Teilo Map yu ritim dispela pas bilong mi, inap yu ken rait long mi na toksave long mi long wanem hap yu stap.

**Adres bilong mi em:**

**Bendick K Monda**

**PNGDF-D CO4**

**2RPIR-Moem Barracks**

**FMB, Wewak, ESP**

Sapos nogat yu ken rait i go long ples long dispela adres:

**Kerowa map**

**Pakule Vocational Centre**

**P O Box 418**

**lalibu, Mendi, SHP**

**Bendick K Monda**

**WEWAK**



# THE NATIONAL

**gives you  
the choice of...**

- \* **Brighter, . . . more colourful pages!**
- \* **Better in-depth reporting!**
- \* **More news . . . more information!**
- \* **More to interest everyone!**

THERE is now a new paper in Papua New Guinea - "The National".

It is a newspaper that reflects the national interests of our country, as the masthead, in the colours of the national flag, demonstrates.

With the new paper you now have an alternative and a choice... a more balanced diet of news about our country and ourselves.

"The National" is a bright and active paper, with many pages presented in colour. Get "The National" now!

**On Sale  
Now!**


FROM STREET SELLERS  
AND USUAL NEWS AGENTS

**THE  
NATIONAL**

**A bold new  
paper for PNG**

THERE is now a new paper in Papua New Guinea — The National. It will be a newspaper to reflect the country, as the






**4WD STRONGPELA TRU**

**TEAM UP WITH TOYOTA**

## 4 RUNNER

Dispela top Toyota 2.8 Disel engine em i gat 5 pela dua na i smat tru...draiva na ol pasindia bai stap isi tasol na raun long dispela top 4WD ka. Ringim Ela Motors nau na yu yet i test draivim wanpela 4 Runner.



## LAND CRUISER

Long taim hevi i kamap ol strongpela lain i kisim Toyota Land Cruiser... top stret long ol 4WD long Papua Niugini. I gat tu long Australia wantaim Turbo Disel pawa na otametik trensmisen. Long taim yu kisim Toyota Land Cruiser bai yu givim baksait long ol narapela kar!

**Ela Motors**

PORT MORESBY 229400 • LAE 422322  
RABAUL 921988 • MADANG 822188  
GOROKA 721844 • MT HAGEN 521888  
WEWAK 862255 • KAVIENG 942132  
KIMBE 935155 • TABUBIL 589060  
VANIMO 871254  
PORGERA 579367



# Lufa/Okapa rot projek

## SAPE METTA i raitim

MEMBA bilong Isten Hailans, Aita Ivarato i no laikim wok politik i stopim wok bilong Lufa-Okapa rot.

Mista Ivarato i tok olsem ol nesenel na provinsal politisen i bin wok long kikim dispela projek i go i kam long-pela taim nau. Olsem na em laik wok politik i mas pinis na wok i mas go het long projek.

Mista Ivarato i askim olgeta politisen na provinsal grup long

wokbung wantaim na larim dispela projek i go het na pinis long taim ol i makim long pinisim olgeta wok.

Em i askim primia Robert Atiyafa wantaim kodineta bilong Isten Hailans sivil kontrakta, Philip Stagg long no ken toktok long kampani husat i wok long Lufa-Okapa rot.

Mista Atiyafa i tok em bai mekim wok long lukim olsem olgeta kontrak wok i go long

ol pipel husat i stap long Lufa-Okapa haiwe. Na tu ol man long Lufa, Okapa, Kainantu na Henganofi.

Mista Ivarato i tok ol man husat i gat ka i mas go long provinsal woks menesa na painimaut wanem kain ol sab kontrak wok i stap long dispela rot projek.

Nesenel memba bilong Okapa, Castan Maibawa tu i bin mekim wankain toktok na askim olgeta lain long wokbung. Na i no ken kamapim hevi long wok bilong Lufa-Okapa rot.



• Ol mama long Buka i salim mat na ol brum long maket bilong ol. Laip bilong ol pipel i orait liklik na moa pipel i kamap long maket long salim sating. Poto Alois Sami

## Ol papa graun long Tari i laikim K5milien

OL PAPA graun bilong Tari taun long Sauten Hailans i askim nau gavman long baim dispela hap graun. Mak bilong mani ol i askim gavman long baim em K5 milien.

Dispela askim bilong ol i stap insait long wanpela petisen ol i givim i go long nesenel Minista Bilong Lens Timothy Ward long Fonde, Novemba 18.

Dispela petisen bilong ol i gat narapela 5-pela askim tu.

Dispela 5-pela askim ya em: (1) gavman i mas lukluk na wokim hap graun Tari taun i stap long en i kamap olsem kastomari graun inap long taim samting i stret;

(2) bihainim dispela askim, gavman i mas rausim olgeta samting ol i bin mekim long wokim dispela hap graun i kamap graun bilong gavman. Long wankain taim i mas rausim ol samting i toktok long komesel developmen lis na taitel;

(3) stopim ol developmen wok long go het insait long Tari taun;

(4) gavman i mas bung na paitim toktok wantaim ol papa graun na

(5) rausim tok orait bilong gavman i stap long nesenel gaset we i tok olsem hap graun Tari taun i stap long en em i nesenel len. Tok orait bilong gavman i stap long gavman gaset namba 4 bilong Julai 20, 1989.

Hap graun we Tari taun insait long Sauten Hailans provins i stap long en i bilong 13 wanpisin. Dispela 13 wanpisin em: Lewane, Homane, Tipa Palitaowe, Tipa Haumano, Punga Kikita (Kigede), Ajake Kikita (Kigede), Purukua Piripu, Propaija (Ekape) Kikita, Paijaka Kikita, Handope, Lawago Kikita, Lawako Kikita na Kia Piripu.

Petisen bilong dispela 13 klen i tok long Oktoba 29, 1992, Lens Taitel Komisina, Natanas Marum i givim oda long Dipatmen bilong Lens na Fisikel Plening long baim dispela hap graun. Bihainim dispela oda, Rijonal Menesa bilong Hailans rijon bilong Dipatmen Bilong Lens na Fisikel Plening i givim wanpela sek mani inap long K8,320 i go long ol papa graun long June 11.

Tasol ol papa graun i tok olsem dispela mani em i liklik tumas. Ol i tok Dipatmen bilong Lens na Fisikel Plening i no skelim gut dispela hap graun na givim dispela mani. Ol i tok gavman i mas givim ol moa long dispela K8,320.

## Ol pipel protes long mani

WANPELA papagraun bilong Enga provins bai mas long rot bilong Wabag long dispela Fraide bilong soim bel hevi bilong ol i go long Enga edministreta Bill Bates. Ol i wari long kompensesen mani bilong hap graun bilong ol. Ol i tingting tu long pasim hap rot bilong Wabag- Kombiang na Ambum Veli klostu tasol long Wabag hai skol.

Ol papagraun i tok lens opis long Waigani i givim pinis K109,330 i go long edministresen bilong Enga bilong peim ol long hap graun ol i kolim long Yamenang, tasol ol no kisim dispela mani yet. Sampela ripot i tok mani i stap pinis long wanpela IBD akaun long beng we ol putim long Ogas 1992. Na i no go long han o nem bilong ol papagraun tu.

Ol papagraun i laikim Mista Bates i toktok long wanpela pablik reli arasait long opis bilong en long astingting bilong holim dispela mani.

Ol ripot i kam long opis bilong Mista Bates i tok olsem gavman i no stretim yet dispela hap graun wantaim ol papagraun.

# Ol meri Buka bung na toktok long wok bung

## VERONICA HATUTASI i raitim

LONG KAMAPIM gutpela wok na helpim ol pipel i painim bek gutpela sindaun long komyuniti, ples na ailan, ol meri long Bogenvil i mas lusim olgeta tingting nogut na jeles pasin ol i gat long wanpela narapela.

Kodineta long Asosiesen bilong ol Katolik meri long Buka, Anastasia Lapointe i bin mekim dispela tok tok i go long ol meri

insait long wanpela bung bilong ol long Hahela Katolik Misin long Buka long Sande Novemba 14.

Misis Lapointe i tokim ol meri long luksave na helpim narapela na maski long tok stil, jeles pasin na tingting nogut.

Em i tok planti meri long provins i stap nating olsem tru ol i no gat tingting God i givim ol. Em i askim ol meri

long kamap memba bilong ol grup olsem Katolik Womens Asosiesen na helpim ol wok insait long ailan na kantri.

Long givim luksave long rait bilong ol meri long provins, ol bai kirapim wanpela opis bilong ol meri long Buka.

Em i tok moa tu olsem planti ol meri long ples husat i no save rit na rait i gat gutpela save na tingting. Na em i askim ol save meri long helpim


ol dispela wanlain bilong ol na wok bung wantaim ol.

Em i tok strong tu long ol meri i luksave long ol gutpela pasin bilong narapela, na lus tingting long ol pasin nogut we planti taim i save bagarapim gutpela wokbung bilong ol.

Long mun i go pinis, 22 meri i makim Asosiesen bilong ol Buka Katolik meri i bin go long Goroka long wanpela bung bilong ol meri. Misis Lapointe na Daiosisen Presiden bilong ol Eva Betson i

bin go pas long ol meri Buka long dispela wokabaut bilong ol.


Bikpela samting we ol bin toktok long en long Goroka em stap bilong famili hia long PNG. Planti kain senis i wok long kamap insait long ples, komyuniti na kantri we i bringim hevi long sindaun bilong planti famili. Ol meri i bin lukluk long wanem helpim tru ol inap long givim long daunim ol dispela hevi. Na tu helpim ol meri husat i stap long taim nogut.



Sapos yu katim...Yu mas planim gen.

**Antap :** Tupela forestri opisa-John Beko (pepa long han) na Bruno Danfod husat i save wok wantaim Jant kampani long Madang i sanap insait long wanpela neseri haus long neseri gaden tupela i save lukautim.

**Daunbilo :** Dispela em sampela diwai long dispela bikpela neseri gaden John na Bruno i save lukautim. Taim dispela ol diwai i redi long planim, ol wokman bilong Jant kampani bai rausim na i go planim long ples kampani i katim diwai pinis long en. Taim dispela ol diwai i gro kamap bikpela na winim 8-pela krismas, kampani bai katim na kisim i go long faktori long wokim sodas na salim i go long ovasis. Poto: Godfried Niaka.






# NISSAN

# CHRISTMAS DONAVIVA

The Good news is  
the Good Guys at Boroko  
Motors are giving a Goldstar  
colour TV away with every  
Nissan sold before Christmas.  
So tell every one  
the news

HOORAY!  
I'm so glad the pig  
and rice special is  
over. Now it's safe  
to go out.



**NISSAN 1200 PICKUP**



**NISSAN SUNNY**

## **BOROKO MOTORS** **THE GOOD GUYS FOR BEST BUYS**

PORT MORESBY: 255255 LAE: 421144 RABAUL: 922777 KIMBE: 935566 MADANG: 822433 MT.HAGEN: 521433 HIGATURU: 297175 TABUBIL: 589061



# BISNIS LONG PAPUA NTUGINI

## K69.2 milien i go long nupela Rurel Dvelopmen Beng

**Sampela senis long lo bilong Sentral beng**

GAVMAN bai i givim samting olsem K69.2 milien i go long Egrikalsa beng stat long 1994 i go inap long 1996 long mekim ol wok bilong en. Dis-pela i bihainim yet sampela bikpela senis gavman i laik mekim long dispela beng.

Orait K19.2 milien long dispela mani em nupela sabsidi na ekwiti mani gavman bai givim bilong helpim beng long ol wok bilong em long tripela yia. Na narapela K50 milien bai i karamapim ol dinau mani, gren,

intres na ekwiti mani bilong nau i go inap long 1996.

Skel bilong wan wan yia i go olsem, long 1994, beng bai kisim K15 milien. Long wankain taim tu, beng bai i kisim narapela sapot fanding inap long K10 milien.

Long 1995 beng bai i kisim wankain mani tasol long sapot fanding bai em i kisim K4 milien moa antap long 1994 mak.

Long 1996, skel mani i go antap long K20 milien. Tasol sapot fanding bai daunbilo

long K13 milien.

Insait long ol senis we gavman bai i kamapim, beng bai i kisim nupela nem tu. Em ya em Rurel Dvelopmen Beng bilong PNG. Gavman bai gat moa pawa long lukluk na was long wok bilong beng.

Anda Seketeri bilong Mani na Plening Mista/ Titus Philemon i tokaut long dispela samting long las wik long taim em i givim setifiket pepa i go long ol papa bilong ol Stret pasin Stoa long Mosbi.

Egrikalsa Beng i gat sampela hevi olsem na wok mani i no kamap gutpela tumas long 1992 na long dispela yia. Ripot bilong beng insait long tupela yia i bin soim tru olsem dispela i wok long kamap bikpela. Olsem na gavman i laik kamapim ol senis long beng bilong traim daunim ol hevi we beng em i gat nau na kamapim ol gutpela wok kamap.

Beng ya i save givim bikpela helpim i go long ol liklik fama

bilong ples wantaim ol bisnisman long ples husat i laik kisim dinau mani aninit long K100,000.

Mista Philemon i tok olsem senis ya em i bilong kamapim ol gutpela wok kamap long ol eria we i no gat gutpela dvelopmen. Na tu bai gavman i lukluk gut olsem beng i gat inap mani long givim dinau i go long ol pipel, i stap long rurel eria.

Aninit long senis, ol liklik sais bisnis long ol rurel eria bai i kisim namba wan sans long dinau mani. Tu ol NGO, grup bilong ol meri, yut, liklik bisnis na ol kain grup olsem long kantri bai i kisim moa helpim i kam long wanpela liklik dinau progrem we gavman i tingting long kamapim aninit long nupela senis.

Ol ples arasait long taun we namba bilong ol pipel i aninit long 10,000 bai kisim bikpela.

Narapela eria em bai kisim helpim em egrikalsa, fiseri, forestri, aluviel maining na tu wok bilong kisim na dilim sevis i go long ol pipel.

Mak bilong bekim dinau mani long dispela beng bai i stap

daunbilo long ol narapela beng long kantri. Bihain long ol senis i kamap, intres mak long ol dinau mani wantaim Egrikalsa beng bai i stap namel long 6.5 na 9.5 pesen.

Wankain samting bai kamap long ol man husat i laik lisim, haiarim na baim ol bikpela masin. Beng bai i sasim 2 pesen daunbilo long intres we ol narapela beng long kantri i save sasim.

I luk olsem beng i yusim bikpela mani long lukautim ol opis wokman bilong en. Na beng i no kamapim bikpela winmani long mekim ol wok. Orait, long daunim dispela hevi, beng bai pinisim sampela wokman bilong en stat long hetkoto long dispela yia na surukim i go long ol rurel eria long neks yia.

Ol foapela rijen long kantri, em long Sauten, Hailans, Momase na Ailans bai gat hetkoto bilong ol long lukautim ol wari na helpim bilong ol pipel.

Ol senis ya i bilong daunim ol hevi na kamapim ol gutpela wok kamap insait long beng.

GAVMAN i tingting long kamapim sampela senis long Sentral Beng Ekt long larim beng i bosim na mekim ol kain wok aninit long lukaut bilong em. Senis bai strongim tu na bringim bek gutpela wok bung namel long bod bilong beng na minista.

Orait, gavman i tingting tu long kamapim senis long Insurens Ekt bilong mekim indastri i resis wantaim long ol intenesenel maket. Na long givim pawa bilong givim aut ol laisens i go long han bilong Minista bilong Mani na Plening.

Minista i laik lukluk gut long wok bilong givim aut laisens long pulim moa kastoma i kam long indastri so bai moa resis i kamap long prais na sevis bilong indastri. Olsem tu ol kastoma inap long kisim gutpela sevis.

Long wankain taim tu, beng bai i gat nupela Insurens Komisina. Orait, long namba wan hap bilong 1994, bikpela senis bai i kamap long lo na polisi plening bilong beng yet.



• Ol tripela lain long piksa i kisim Diploma setifiket long Ikonomic Polisi Analisis long las Fraide long namba faive graduesen bilong Nesenal Rises Institut long Mosbi. Tasol em ino ol poroman, nogat em ol wanpela famili tasol bilong ples Saure long Is Sepik Provins. Long rait han, em Jacinta Manua (Warakal), Anton Warakal na kandre bilong tupela, Leo Wafiwa.



• Long las wik Fraide long Mosbi, ol dispela 38 wokman bilong gavman na ol praivet sekta i kisim Diploma setifiket bilong Ikonomic Polisi Analisis long Nesenal Rises Institut (NRI) long Mosbi.

## Ol 38 pipel i greduet



• Philip Malpson, wanpela fainansel advaisa bilong Westen Hailens Provins tu i greduet long las Fraide. Em mekim toktok long makim maus bilong ol lain huset i pinisim kos bilong Ikonomic Polisi Analisis long Nesenal Rises Institut.



# Buk bilong skulim ol studen long wok egrikalsa

PRIMIA bilong Isten Hailans provins, Robert Atiyafa i bin lonsim wanpela nupela buk long Goroka long las wik Tunde. Nem bilong dispela nupela buk em "Agrikalsa bilong Melanesia."

Taim em i lonsim dispela buk, Mista Atiyafa i tok Goroka em i wanpela egrikalsa provins. Olsem na namba wan buk i kamap long Goroka i toktok long kain kain wok bilong egrikalsa.

Mista Atiyafa i tok dispela em i namba wan

taim ol manmeri long dispela kantri husat i tis long Goroka Tisa Koles (GTC) i wok wantaim na kamapim wanpela dispela buk.

Em i tok em i amamas tru long luksave olse dipatmen bilong Edukesen i givim tok orait long ol haikul na vokesenel senta i ken yusim dispela buk. Bikos planti poto insait long dispela buk i bilong ol egrikalsa wok insait long Isten Hailands provins.

Atiyafa i askim ol sumatin long ol haikul

na vokesenel senta insait long Papua Niugini long yusim dispela buk. Bikoas dispela buk em i wanpela gutpela buk. Na ol i ken lainim planti gutpela samting i toktok long wok egrikalsa long dispela buk.

Primia Atiyafa i askim ol arapela Papua Niugini manmer long GTC long lukim dispela buk olsem wanpela gutpela eksample. Na ol tu i mas helpim Papua Niugini na raitim ol arapela buk.



• Dispela piksa i soim sampela lain man bilong Fisamens Ailan klostu tasol long Mosbi wantaim wanpela long ol autobod moto ol i kisim long memba bilong Mosi Saut, Albert Karo. Mista Karo i bin givim 10 pela 40 hos pawa Evinrude autobod moto i go long ol pipel long ilektret bilong en. Pe bilong olgeta moto inap long K16,000 tausen.

KOPI	
Pe bilong drai arabika na robusta kopi long wanwan kilogram long Nov 18, 1993. Dispela i kamapim prais bilong kopi long dua bilong faktori, na i no long sait bilong rot.	
<b>Arabika :</b>	
National	K120 to 160
Kainantu	K160 to 160
Goroka	K155 to 160
Kundawa	K145
Minz na Banz	K140 to 145
Wapenamanda	
Mendi	
Hagen	K135 to 140
Lae	K120 to 140
Erap	K130
Mumeng	K140
Wau/Bulolo	K120
Madang	K130
Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.	
<b>Robusta :</b>	
Is Sepik	K90 to 100
Ripot bilong ol arapela senta husat i save groim robusta kopi i no kamap.	
PRAIS BILONG OL BENSIN	
Kos long wanpela lita	
Ex Pump (wantaim takis)	
Petrol	50.5 toea
Disil	39.3 toea
Kerosin	45.5 toea

Coffee			
Summary	18/11/93	Range	17/11/93
	Oct93		Nov92
Parch. t/kg			
Arabica	155 120 to 160	152 148	100
Robusta	90 90 to 100	90 87	62
Cherry. t/kg	31 30 to 32	29 32	
G/Bean t/kg			
Del in Store Lae			
Arabica Y1	219 210 to 225	219 208	211
X	244 240 to 252	250 242	236
A	264 250 to 280	271 269	245
Robusta	168 160 to 175	170 170	165
Bounty t/kg	16	16	16
Parc	75	75	75 100
G/Bean	100	100	100 125
New York "C" closing	17/11/93		
Other Mild Arabicas			
US cents/lb	74.85	76.05	74.74 67.73
Kina = US\$	1.0122	1.0137	1.01245 1.011
Toea/kg	163.03	165.40	162.75 147.69
Y/Grade	149.96	152.35	136.62 121.53

RABA	
Gavien faktori (ESP) - 21 t/kg	
Doa faktori (Sentrel) - 36 t/kg inap long 39t/kg	

KADAMON	
Prais bilong kadamon em A. T. Agri Agency Pty Limited long Madang i tokaut long en i stap olsem:	
Drai long san:	K1.40
Hot Air Drai: Yelo/Wait -	K2.25
Hot Air Drai: Grin -	K3.25
Pikinini Kadamon:	K2.50
Lombo gret wan:	K1.60
Lombo gret tu:	K1.40
Lombo gret tri:	K0.80
A. T. Agri i lukautim Kobum Spice em i stap long Bundi we planti ol kadamon i save kam long en.	

## Ol bisnis i winim prais long dispela yia

NAU I NAMBA 11 yia bilong *The Times of Papua New Guinea* long givim awod o prais i go long bisnis husat i kamap gutpela tru long PNG.

Long Fonde Novemba 11, Australia na PNG Bisnis Kaunsil i bin tokaut long 4 pela bisnis kampani husat i winim *Times* Bisnis awod. Tripela man na wanpela meri i bin winim prais.

Orait, man husat i ronim bisnis we i kamap gut tru long dispela yia na em i kisim namba wan bisnis awod em John Bori. Ka kampani Ela Motos i sponsa long dispela resis.

Bori i gat 29 krismas na em i bilong Maun Hagen. Em i marit na i gat tupela pikinini. Em i ronim wanpela timba kampani bisnis long Maun Hagen we ol i kolim long Maun Hagen Biding Saplais. Kampani bilong Bori i save

saplaim ol timba samting i go long ol kampani long Maun Hagen.

Bori i bin kirapim kampani ya long 1989 long Hagen. Tasol nau ol liklik han bilong kampani i kirap pinis long Mendi, Wabag na Kundiawa.

Wanpela meri husat i bin Mis PNG bipo i winim awod bilong nambawan bisnis meri bilong dispela yia. Meri ya em Joycelyn Leahy husat i gat wanpela klos kampani. Em i salim tu ol kaving, basket, bilum, peinting wantaim tu ol arapela samting ol i wokim yet long PNG. Nem bilong kampani bilong Mis Leahy em long Ampom Invesmen Pty Ltd.

Steamships kampani i sponsa long prais. Orait, Mis Leahy i bin kirapim bisnis kampani bilong em long 10ng tupela yia i go pinis stat yet long 1991.

Kampani bilong em i save

wokim, na salim ol klos samting. Planti long ol bikpela kampani insait long Mosbi na tu long ol arapela senta long kantri, inap putim oda bilong ol.

Liklik Bisnis Awod i go long ToDokta Taule husat i papa bilong Tobello bisnis grup long Rabaul. Australia na PNG Bisnis kaunsil i bin sponsa long dispela kampani. Tobello Bisnis grup i bin kirapim wok long yia 1991. Ol i gat wanpela kontrak wantaim Dipatmen bilong Civil Aviesen long Rabaul bilong lukautim na klinim Rabaul epot.

Na las awod em long Ekspot Awod we i bin go long han bilong FRG Clothing kampani bilong Madang. Kampani ya i bin kirapim wok bilong en long yia 1979 na i save salim ol klos samting. Shell Papua Niugini i sponsa long dispela awod.

**MR BOSMAN BILONG STOA**


I gat **FRI** Hubba Bubba Tee Shirt bilong yu!

taim yu baim 5 PELA BOKIS long wanpela long dispela prodak long **RAB/RAD NIUGINI PTY. LTD.** long Lae brans tasol long 8th Novemba - 3rd Disemba tasol! (6pela T-Shirts long wanpela balk)



# BIKPELA BOSS I LUS TINGTING

Yu kam na painim aut.  
Toba Motors i toksave long  
nambawan prais bilong  
Johnson 40hp Outboard, YAH!



**K1790.00**

\*INCLUDES SALES TAX

## Features

- POWERFUL TWO CYLINDER ENGINE.
- ELECTRONIC IGNITION
- OVERHEAT WARNING
- GAS OPERATED TILT AND TRIM
- SHALLOW WATER DRIVE
- EXTRA STRONG 22LITRE PLASTIC FUEL TANK WITH GAUGE



**TOBA**  
MOTORS

PORT MORESBY 21 7874  
LAE 42 2611  
RABAU 92 1866

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784

## Hevi i stapim wok long Kainantu gol projek

WANPELA liklik gol projek insait long Kainantu long Isten Hailans i bin pas long tripela wik olgeta. Sampela wokman wantaim ol papa graun i stopim ol wok bilong en.

Kampani i wok gen bihain long Isten Hailans provinsal gavman i paitim toktok wantaim ol wokman na papa graun na stretim toktok. Provinsal gavman i stretim dispela hevi bihain long sampela opisa bilong kampani i askim provinsal


gavman long stretim tok.

Nem bilong dispela liklik gol projek kampani em Niugini Maining. Long nau yet, kampani ya i wok long go het long mekim wok. Tasol ol bikman bilong kampani i tok kampani i bin lusim bikpela mani taim wok i stop long tripela wik.

Ol wokman i bin stop wok na askim kampani long hapim mani ol i save kisim long wan aua i go antap long K5.

Nau ol i save kisim K2. Ol papa graun i askim kampani long kamapim wanpela agrimen wantaim ol pastaim long wok bilong yusim ol masin long digim gol i go het.

Bihain long dispela hevi, provinsal gavman i salim namba tu sekeri bilong Dipatmen bilong Isten Hailans Barunke Uke i go stretim tok. Kampani i tok em i save spenim moa long K30,000 long wan wan wik long mekim wok bilong en.



• (Antap) Leo Wafiwa na Rudolf Ayu (daunbilo) tupela nius ripota long Word Publishing i bin pinisim 6 wik kos long Nesanel Rises Institut long Mosbi na ol i greduet. Sir Michael Somare i bin givim diploma long 38 manmeri husat i pinisim kos ol i kolim Ikonmik Polisi Analisis.



## Wapenamanda ples balus i op gen

**GEOFFREY APAKALI**  
i raitim

BIHAIN long tripela wik, Wapenamanda ples balus long Enga provins i op gen long dispela wik.

Ol lain Yakuman Kombani wanpisin i bin kamapim ol bagarap long ol samting bilong epot, epot i pas i kam inap long dispela wik. Ol wanpisin ya i laikim gavman long peim ol K350,00 kompensesen mani long wanpela hap graun epot i stap long en.

Long taim ples balus i pas bikpela hevi i kamap long planti pipel bilong provins. Na ol man arasait husat i gat ol wok bisnis long hap.

Long las wik, ol pipel bilong ples Waete i bin salim wanpela pas i go long Distrik menesa bilong Wapenamanda we ol i no amamas long gavman bikos em no baim ol long hap graun ol i makim olsem posen 162 Yamanda namba 10/126 long gavman katalog, we ples balus i stap long en.

Rekod long distrik opis i tok gavman i peim pinis K60 long dispela hap graun. Tasol ol pipel i no wanbel. Ol i tok mani ya em i bilong sampela bagarap long ol gaden kaikai na diwai bilong ol we ol wokman i kamapim long taim ol i mekim epot.

Provinsal lens opisa Lawrence Kambu i tok em i no kisim wanpela pas we ol pipel i singaut long K350, 000 kompensesen mani long hap graun bilong ol.



# Grile man maritim tupela susa



BIPO, bipo tru long wanpela ples i gat wanpela grile man i stap. Nem bilong dispela man em Kajenboom. Em i save stap wantaim tumbuna meri bilong em.

Long wanpela taim, Kajenboom i go long nambis na go antap long wanpela diwai klostu long nambis. Na sindaun antap na lukluk i go long solwara. Em i stap antap long diwai na mekimsave long kalap kalap long diwai na singsing i stap.

Dispela taim tupela susa i stap long nara-pela ples klostu long ples Kajenboom wantaim tumbuna meri bilong em i stap. Nem bilong dispela tupela susa em Meming na Anii.

Tupela i stap na harim singsing bilong dispela grile man. Man, singsing ya i katim stret lewa bilong tupela. Kwik taim tupela i lusim ples tupela i stap na bihainim rot em singsing i kam long en.

Taim tupela i lusim haus, tupela i bihain wanplea wara olikilim



Behainim i go daun. Bihain tupela i bihainim araplea wara aolkolim Ngedong. Tasol wara i hot na tupela i bihainim gen wara Behainim.

Bikman ya i no save long wanem samting i

kamap. Em i mekim-save long singsing i stap. Mening na Anii i wokabaut i go na kamap long haus bilong dispela rabis grile man. Tupela i go insait long haus na

lukim tumbuna meri bilong Kajenboom i stap.

Em nau tupela i sindaun kisim gut win na stori long wanem as tupela i kam. Tupela i tokim lapun olsem

tupela i laik mariim tumbuna bilong em. Lapun meri i no toktok. Emi sindaun tasol na wetim baga nogut.

Ol i stap na lukim Kajekboom i wokabaut i kam long haus. Taim em i laik go insait, grile bilong em i smel na tupela meri i pret na go sindaun long wanpela kona bilong haus.

Kajekboom i kirap tokim tumbuna bilong em long kisim tupela meri i go wok gaden. Tripela i kisim samting bilong wok na sut i go long gaden.

Long dispela taim Kajekboom i kisim ol paiawut na stat wokim paia, Bihain em i kisim mambu na suvim em yet i go insait long mambu na stat tanim tanim.

Olgeta grile bilong em i kam aut na gutpela skin i kamap. Em i kam aut na tekov i go long haus na bilasim em yet long wetim ol tripela. Skin bilong em i sain nogut tru olsem glas na em i luk yangpela tru.

Long apinun tumbuna bilong em i kisim tupela meri i go bek long haus. Tupela i laik go insait long rum na lukim Kajekboom i senis. Na skin bilong em i luk narakain stret.

Man, tupela i lukim em na pispis nating na holimpasim em. Tupela i hap dai nating taim tupela i lukim baga nogut ya.

Bigiding Ian Ork FINSCHAFEN



Wanpela Sarere Kanage i go raun long Gordons maket long Mosbi. Em i go raun i go na lek bilong em i pen nogut tru. Olsem na em i go sindaun long wanpela kona klostu long sampela meri Papua na malolo i stap. Long wankain taim em i wok long lukluk long ol i stap. I no longtaim na wanpela bilong ol dispela meri ya i pairapim wanpela bikpela kabubu stret. Kanage harim na lukluk strong tru long meri ya na askim em olsem: Hai kekeni. Wanem samting tru ya mekim kain bikpela nais olsem-Helgas ben i pilai o kundu bilong ol Mekeo i pairap? Meri ya kirap na tokim Kanage olsem: Brats, Helgas ben na kundu bilong ol Mekeo i bagarapim sindaun bilong yu. Taim meri ya tok olsem, Kanage kirap na tokim meri ya: Kekeni, maski toktok tumas. Samting em musik i krai long ples bilong sori na ples i luk narakain. Mekim na mi tu mi luk sori.

Philip Heting LAE

Kanage i go raun long Rabaul taun na bungim wanpela meri Yauro i wokabaut i kam. Em nau Kanage i lukluk strong tru long dispela meri Yauro ya. Taim meri Yauro ya luksave olsem Kanage i wok long lukluk long em, em i kirap na tokim Kanage long tok Inglis olsem: Stop stairing at me. You wire loose or what? Taim Kanage i harim meri Yauro ya i tok olsem, em i bekim na tok: Please, no saying that. Kain stail bilong wokabaut bilong as i go na as i kam tasol na mi lus weit nating. Na ai bilong mi tu i laik lus na pundaun ya. Meri Yauro ya harim kain tok bilong Kanage na senisim stail bilong wokabaut na olgeta bun bilong as bilong em i lus. Mekim na Kanage i ai raun na pundaun long graun.

Philip Heting LAE

## Bodi bilong mi liklik na bun nating



**Dia Laiplain,**  
Mi gat 16 pela krismas na maus gras bilong mi i wok long kamap long wisket bilong mi. Mi no laikim dispela. Bikos bodi bilong mi i liklik na bun nating. Bai mi stopim olsem wanem?

Mi wokim planti ekseasais tasol mi no lukim wanpela senis long bodi bilong mi. Wanem samting bai mi wokim na kaikai long wokim bodi bilong mi i strong na bikpela wankain olsem ol wan skol bilong mi?

### HOW TO GROW?

Dear Pren,

Mipela i save olsem yu gat wari. Bikos yu gat liklik bodi taim planti ol pren bilong yu luk bikpela. Yu bai kirap no gut long painim olsem i gat sampela lain husat i longpela i save gat kain tingting olsem yu. Bikos ol i pilim olsem ol man i save lukluk long ol olgeta taim.

Sampela lain i save wari bikos ia bilong ol i kam ausait tumas. Sampela i save wari taim ol i yangpela yet na kela hariap. Yumi olgeta i gat kain kain bodi sais na sep na i no gat wanpela i luk gut olsem em yet i laikim long kamap.

Yu wokim gutpela pasin long ekseasais bodi bilong yu na traim kaikai planti. Tasol sapos bodi bilong yu i liklik, em bai kisim longpela taim long senis.

Olgeta pilai na ekseasais bai helpim yu. Tasol weit lifting bai strongim bros bilong yu na masol long han. Taim yu ran long rot na ran long wilwil, dispela bai strongim ol lek bilong yu.

Sapos yu save kaikai long skol mes, dispela bai givim yu hat taim liklik long kaikaim ol kaikai yu laikim. Tasol taim yu go long ples long taim bilong holide o wiken, yu mas traim kaikai planti prut, kumu, kiau, pis na mit. Kain kaikai olsem kaukau, rais na ol arapela kaikai i no gat gutpela gris tumas.

Em i gutpela long yu i bun nating. Ol lain i bun nating i luk helti winim ol lain i fat. Ol bun nating man i save stap longpela taim winim ol lain i fat. Ol fatpela lain i save dai hariap.

Dispela maus gras bilong yu i kamap bikos yu gat 16 pela krismas. Na i no gat wanpela man i ken stopim maus gras long gro. Yu ken sevim long wanpela taim long olgeta wik o planti taim. Tasol ol boi save amamas long gro bilong ol na dispela i save mekim ol i luk olsem bikman. Toktok long ol arapela sumatin long dispela samting na painim aut long tingting bilong ol.

### MI LAIPLAIN.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



**MOA LONG 1,000 kristen manmeri bilong Poasa kongriksen i bin bung na amamas long Sen Salamo Luteran peris long Finsafen bilong opim nupela haus lotu bilong ol long Sande Oktoba 17.**

Haus lotu ya i kamap long hatwok yet bilong ol Poasa pipel husat i bin bungim moa long K5,000 bilong kirapim haus lotu bilding. Wok long dispela haus lotu i bin stat yet long Oktoba las yia.

Samting olsem 100 pipel i ken bung na pre insait long dispela haus lotu long wan wan taim. Na man husat i bin go pas long ol wok bilong haus lotu ya em Ngabang Ngipondong.

Dispela piksa i soim ol pipel i amamas paitim kundu dram na hatim ol singsing tumbuna bilong ol. Ol man bilong Marurus viles long Finsafen erla i soim tru stail bilong ol lain Fins long papaitim kundu na sam sam liklik.



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

Ph: Miri Alori Ext. 203  
John lagata Ext. 217  
Vetovo Magull Ext. 232  
Jeffrey Maliou Ext. 216**WORD**

Word Publishing has a vacancy for a **DISTRIBUTION SUPERVISOR**. Applicants should have an outgoing personality and be able to fulfil the following requirements.

1. Communicate with agents at all levels
2. Have some knowledge of accounting matters and computer
3. Be prepared to work irregular hours
4. Possess a current driving licence

Salary and conditions negotiable

Apply in writing to:

**The Marketing Manager  
Word Publishing Co P/L  
PO Box: 1982  
Phone: 25 2500 or Fax: 25 2579**

**WORD****ADVERTISING SALES REPRESENTATIVE**

Word Publishing require an experienced sales person to sell advertising space in our papers **THE TIMES, WANTOK, PNG BUSINESS & WEEKEND SPORTS**.

The ideal candidate will possess good sales contacts throughout PNG and be well presented.

For the right person an exciting future awaits with good financial rewards.

Apply to:  
The Advertising Manager,  
Telephone: 25 2500 or  
Fax details to 25 2579.



### COMMENTS ON THE 1994 NATIONAL BUDGET FROM THE COFFEE INDUSTRY CORPORATION LIMITED

Siaman bilong Kopi Industri Koporesen Limited (CIC Limited), Peter Kewa i gat bikpela amamas long gavman i bikpela luksave i go long agrikalsa sekta long 1994 nesenel baset. Mista Kewa tok tenkyu i go long gavman long luksave long wok bilong agrikalsa sekta insait long Papua Niugini.

Kopi industri bai go het yet long amamas long hatwok bilong nesenel gavman long helpim ol fama planim na salim kopi long taim nogut na gutpela taim. Sapot nesenel gavmani givim stat long mun Jun long 1991 i kam inap long pinis bilong dispela yia bai inap long K110 milien.

Mista Kewa i tok K55 milien gavman i skelim long baset bilong narapela yia i daunbilong mak bilong K80 milien bilong olgeta diwai krop. Aninit long dispela, CIC Limited i bin tingting olsem long 1994 kopi prais sapot mani bai inap long K53 milien.

Dispela K55 milien gavman i skelim bai karapim tasol kos bilong kopi. Dispela i kamapim hevi long industri. Tasol industri i gat amamas bikos gavman i tokaut olsem em bai putim aut moa mani sapos i gat hevi i kamap.

Gavman i luksave long hevi na givim prais sapot. Tasol nesenel gavman i no luksave long sampela arapela samting olsem input na fret subsidi em CIC Limited na ol arapela lain i tokaut.

Mista Kewa i tok em i moa gutpela long kos bilong prodaksen i mas surik i kam daun pastaim long dispela prais sapot skim i pinis long 1997. Wanpela bikpela samting i kam aninit long dispela em transpot kos. Bikos gavman i save spenim mani long ol rot long ol rurel eria. Mani gavman i skelim long dispela samting i aninit long mani bilong dispela yia.

Long makim maus bilong olgeta manmeri husat i save planim na salim kopi, mi laik tok olsem planti samting insait long baset bilong narapela yia i gutpela. Tasol em i tok olsem laip bilong planti manmeri long Papua Niugini i stap long agrikalsa sekta. Olsem na prais sapot i mas bihainim gutpela polisi long helpim ol pipel bilong dispela kantri long bihain taim.

**AUTHORISED BY  
Peter Kewa  
Chairman of the Board**



# LUSHIP



## December 1993 Passenger Schedules

### VESSELS SAILING FROM LAE.

VESSEL	VOY.NC	SAILING FROM LAE FOR	DAY	DATE	TIME
* RITA	204N..	BUKI/FINSCH/WASU/MADANG/WEWAK.....	WED..	01-12-93	9AM
TOTOL	575N..	FINSCH/SIO/WASU/YARA/BILIAU/MADANG..	WED..	01-12-93	4PM
* MAMOSE EX..	336A..	BUKI/LAE.....	FRI...	03-12-93	3PM
* MAMOSE EX..	336E..	BUKI/LAE.....	SAT...	04-12-93	8AM
* MAMOSE EX..	336B..	LAB LAB/BUKI/LAE.....	SAT...	04-12-93	8PM
* MAMOSE EX..	336C..	BUKI/LAE.....	SUN...	05-12-93	12MN
NAGADA.....	296N..	GIZ/MAS/LOK/LON.....	MON..	06-12-93	2PM
* RITA.....	205N..	KIMBE/RABAU.....	MON..	06-12-93	4PM
MANEBA.....	231N..	WEWAK/VANIMO.....	MON..	06-12-93	4PM
* MAMOSE EX..	336D..	ORO BAY.....	MON..	06-12-93	7PM
* MAMOSE EX..	337N..	BUKI/FINSCH/WASU/MADANG/WEWAK.....	WED..	08-12-93	9AM
UMBOI.....	291N..	LORENGAU.....	WED..	08-12-93	4PM
TOTOL.....	576A..	GIZ/LAB LAB/LAE.....	WED..	08-12-93	4PM
* RITA.....	205A..	BUKI/LAE.....	FRI...	10-12-93	3PM
* RITA.....	205E..	BUKI/LAE.....	SAT...	11-12-93	8AM
TOTOL.....	576N..	WASU.....	SAT...	11-12-93	12NN
* RITA.....	205B..	LAB LAB/BUKI/LAE.....	SAT...	11-12-93	8PM
* RITA.....	205C..	BUKI/LAE.....	SUN...	12-12-93	12MN
NAGADA.....	297N..	WEWAK AITAPE.....	MON..	13-12-93	4PM
* RITA.....	205D..	MOROB/ORO BAY/MOROB/LAE.....	MON..	13-12-93	7PM
UMBOI.....	292N..	WEWAK/VANIMO/AITAPE.....	TUE...	14-12-93	4PM
* RITA.....	205F..	BUKI/LAE.....	WED..	15-12-93	8AM
TOTOL.....	577A..	GIZARUM/LAB LAB/LAE.....	WED..	15-12-93	4PM
MANEBA.....	232N..	LORENGAU.....	WED..	15-12-93	4PM
* RITA.....	205G..	WASU/BUKI/LAE.....	WED..	15-12-93	8PM
* RITA.....	205H..	LAB LAB/BUKI/LAE.....	THU...	16-12-93	8PM
* RITA.....	205I..	BUKI/LAE.....	SAT...	18-12-93	8AM
TOTOL.....	577N..	WASU.....	SAT...	18-12-93	12NN
* RITA.....	205J..	ORO BAY/MOROB/LAE.....	SUN...	19-12-93	7PM
MANEBA.....	232A..	MOROB.....	SUN...	19-12-93	10PM

VESSEL	VOY.NC	SAILING FROM LAE FOR	DAY	DATE	TIME
MANEBA.....	232B..	WASU.....	MON..	20-12-93	8PM
* RITA.....	205K..	BUKI/LAE.....	TUE...	21-12-93	8AM
* RITA.....	205L..	LAB LAB/LAE.....	TUE...	21-12-93	8PM
MANEBA.....	232C..	FINSCH.....	WED..	22-12-93	9AM
TOTOL.....	578N..	SIO/YARA/BILIAU.....	WED..	22-12-93	4PM
* RITA.....	205M..	BUKI/LAE.....	THU...	23-12-93	8AM
MANEBA.....	232D..	FINSCH.....	THU...	23-12-93	9AM
* RITA.....	205O..	BUKI/LAE.....	THU...	23-12-93	8PM
* RITA.....	205P..	BUKI/LAE.....	FRI...	24-12-93	8AM
* RITA.....	205Q..	BUKI/FINSCH/LAB LAB/BUKI/LAE.....	SUN...	26-12-93	10AM
* MAMOSE EX..	338N..	KIMBE/RABAU.....	MON..	27-12-93	4PM
* RITA.....	205R..	ORO BAY.....	MON..	27-12-93	10PM
UMBOI.....	293N..	MADANG/WEWAK/AITAPE/VANIMO/MAG.....	TUE...	28-12-93	4PM
MANEBA.....	233N..	LORENGAU.....	TUE...	28-12-93	4PM
* RITA.....	206N..	BUKI/FINSCH/WASU/MADANG/WEWAK.....	WED..	29-12-93	9AM
TOTOL.....	579N..	FINSCH/SIO/WASU/YARA/BILIAU/MADANG..	WED..	29-12-93	4PM

### LAE TICKET OFFICE HOURS:

Mon to Fri 0800-11.46, 1300-1600  
Saturday 0800-1000

### FOR RESERVATIONS OR ENQUIRIES,

Phone CLEMENT or ITA on: 42 2066  
Fax: 42 5806

### VESSELS SAILING FROM MADANG

VESSEL	VOY.NC	SAILING FROM MADANG FOR	DAY	DATE	TIME
UMBOI.....	290N..	LORENGAU.....	WED...	01-12-93	12MN
* RITA.....	204N..	WEWAK.....	FRI...	03-12-93	5PM
NAGADA.....	295S..	LONG IS/LOKEP/AUPWEL/LAE.....	SAT...	04-12-93	9PM
* RITA.....	204S..	WASU/FINSCH/LAE (KIMBE/RABAU).....	SUN...	05-12-93	9AM
TOTOL.....	575S..	BILIAU/YARA/WASU/SIO/FINSCH/LAE.....	MON..	06-12-93	9AM
MANEBA.....	231N..	WEWAK/VANIMO.....	TUE...	07-12-93	7PM
* MAMOSE EX..	337N..	WEWAK.....	FRI...	10-12-93	5PM
NAGADA.....	296S..	WASU/FINSCH/LAE.....	FRI...	10-12-93	6PM
* MAMOSE EX..	337A..	WEWAK.....	SUN...	12-12-93	9AM
TOTOL.....	576S..	BILIAU/YARA/WASU/SIO/FINSCH/LAE.....	MON..	13-12-93	9AM
MANEBA.....	231S..	WASU/FINSCH/LAE.....	MON..	13-12-93	6PM
* MAMOSE EX..	337B..	WEWAK.....	MON..	13-12-93	12MN
NAGADA.....	297N..	WEWAK/AITAPE.....	TUE...	14-12-93	7PM
* MAMOSE EX..	337C..	WEWAK.....	WED..	15-12-93	5PM
UMBOI.....	292N..	WEWAK/VANIMO/AITAPE.....	WED..	15-12-93	7PM
* MAMOSE EX..	337D..	WEWAK.....	FRI...	17-12-93	9AM
NAGADA.....	297A..	LORENGAU.....	SAT...	18-12-93	12NN
* MAMOSE EX..	337E..	WEWAK.....	SAT...	18-12-93	12MN

VESSEL	VOY.NC	SAILING FROM MADANG FOR	DAY	DATE	TIME
TOTOL.....	577S..	BILIAU/YARA/WASU/SIO/FINSCH/LAE.....	MON..	20-12-93	9AM
* MAMOSE EX..	337F..	WEWAK.....	MON..	20-12-93	5PM
NAGADA.....	297B..	LONG IS/LOKEP/GIZARUM/LAB LAB.....	MON..	20-12-93	6PM
UMBOI.....	292A..	WEWAK.....	TUE...	21-12-93	3PM
* MAMOSE EX..	337G..	WEWAK.....	WED..	22-12-93	9AM
NAGADA.....	297C..	LORENGAU.....	THU...	23-12-93	12NN
UMBOI.....	292B..	WEWAK.....	THU...	23-12-93	3PM
* MAMOSE EX..	337H..	WEWAK.....	THU...	23-12-93	12MN
* MAMOSE EX..	337S..	WASU/FINSCH/LAE (KIMBE/RABAU).....	SUN...	26-12-93	9AM
TOTOL.....	578S..	WASU/SIO/FINSCH/LAE.....	MON..	27-12-93	6PM
NAGADA.....	297D..	LONG IS/LOKEP/MADANG.....	TUE...	28-12-93	6PM
UMBOI.....	293N..	WEWAK/AITAPE/VANIMO.....	WED..	29-12-93	7PM
* RITA.....	206N..	WEWAK.....	FRI...	31-12-93	5PM

### MADANG TICKET OFFICE HOURS:

Mon to Fri 0800-11.46, 1300-1600  
Saturday 0800-1000

### FOR RESERVATIONS OR ENQUIRIES,

Phone SESU on: 82 2577  
Fax: 82 2180

**ALL PERSONS OVER THE AGE OF ONE YEAR ARE REQUIRED TO PURCHASE A TICKET. CHILDREN UNDER ONE YEAR OF AGE TRAVEL FREE. CHILDREN FROM ONE TO TWELVE YEARS AND STUDENTS WITH I.D. CARDS TRAVEL AT HALF OF THE ADULT RATE.**

\*DENOTES PASSENGERS ONLY VESSEL  
OTHER VESSELS ARE CARGO PASSENGER VESSELS

#### Agents:

Lae LUSHIP 42 2066  
Madang LUSHIP 82 2577  
Vanimo VANIMO STEVEDORES 87 1143

Finschafen LUSHIP 44 7004  
Wewak SEPIK COASTAL 86 2643  
Oro Bay CENTURY SHIPPING 29 7268  
Lorengau RL X VJ KNIGHT 40 9159





• Broncos ragbi tas tim husat i save pilai long Gerehu tas kompetisen. Ragbi tas i wok long pulim planti yangpela long siti.



• Dispela pilala bilong NPF i redi long rausim bal i go long ol wanpilaia bilong em. Kain stail i mekim na tim bilong em NPF i dro wantaim Teachers 2-2. Dispela em kik bilong pablik sevan soka.




• Dispela em stail bilong Gerehu ragbi tas kompetisen long Mosbi long las wiken.



• Dispela pilai bilong PNGBC (No.15) i no laik tru long birua bilong em i daunim em. Dispela em stail bilong Bankers basketbal kompetisen long Mosbi long las wiken. *Poto Jack Amini*



• Stail mangi bilong Teachers i redi long kikim bal taim birua bilong em i sambai long beksait.



• Dispela pilala bilong Lands i rausim bal i go bek long salt bilong birua bilong em. Dispela em stail bilong pablik sevan volibal kompetisen long Mosbi.



• Wampela pilala bilong Teachers (lephan) i kalap long hetim bal taim birua bilong em bilong NPF i redi tasol long hetim i go bek.



# Presiden bilong Osenia Futbol Konfederesen bai lukim PNG

## WINIS MAP i raktim

PRESIDEN bilong Osenia Futbol Konfederesen (OFC) bai kam raun long Papua Niugini long Fraide Novemba 26.

Dispela bai namba wan taim tu bilong Papua Niugini Futbol Asosiesen (PNGFA) long lukim wanpela presiden bilong OFC i raun i kam long PNG. Presiden bilong OFC, Charles Dempsey C. B. E., bai kamap long

Mosbi long dispela wik Fraide. Em i save stap long Nu Silan na em i presiden bilong Osenia Futbol Konfederesen.

Mista Dempsey bai bung wantaim ol nius man na givim toktok bilong em long Fraide apinun.

Mista Dempsey i laik lukim sapos soka long PNG i kamap strong. Em bai lukluk tu sapos PNG i gat inap mani long lukautim bikpela kik bilong ol meri long Osenia rijon long neks yia long Mosbi. PNG

bai holim World Cup Qualifying Series bilong ol meri.

Em bai stap tu long taim PNGFA i givim aut awad i go long 1993 Player of the year na Fair play awad. Mista Dempsey yet bai givim aut prais i go long ol lain husat i winim dispela awat.

Long Sande moning Dempsey bai stap long tu taim PNGFA i holim AGM bilong en. Tasol dispela bai wanpela gutpela sans tu bilong PNGFA long paitim tok-tok wantaim Dempsey


long sampela hevi bilong soka em ol i lukim insait long Osenia rijon.

Narapela samting em PNGFA i amamas tru long ol sponsa bilong em olsem Singapore Airlines (Mosbi brens), PNG No.1 Trophies (Mosbi) na mesa sponsa Wills (PNG) Ltd (Benson na Hedges). Bikos dispela bai namba wan taim PNGFA bai holim kain bung olsem long givim aut awad.

Presiden bilong PNGFA, Peter Mommers i askim olgeta

soka asosiesen long kamap long dispela kibung. Em i askim tu ol nupela soka asosiesen husat i tingting long kirapim kik bilong ol long neks yia long kamap tu long dispela bikpela kibung.

Dispela em i wanpela gutpela sans tu bilong ol nupela soka asosiesen husat i tingting long statim kik taim 1994 soka sisen i stat. Bikos ol i ken save long wanem taim afiliesen bai pas na ol i ken save long wok na sistem bilong PNGFA.



• Linus Kensak bilong NBC i tatim olgeta bun long traime stapim bal. Dispela em stail bilong pablik sevan soka long las wiken.

## EASTERN PAPUA COMMUNITY SOCCER TOURNAMENT DRAW - 1993

Saturday November 27 1993

Bisini One		Games	Round
0700	C	Gordon 1 vs Kulumata 1	M 3
0750	A	Gerehu vs Togelu	W 5
0840	D	Simla 1 vs Kula	M 3
0930 Prayer (Fellowship)			
10.40	C	Yabwau vs Lagimu	M 3
11.30	A	Amazon Bay vs Nim	W 5
12.20	B	Defence vs LSC	M 4
13.10	A	LSC vs LSC	W 5
14.00	A	Luba vs Mini	M 4
14.50	D	North East vs Togelu	M 4
15.40	C	Kulumata vs Lagimu	M 4

Bisini Two		Games	Round
Togelu	D	vs Naniu	3
Gordons	B	vs Naniu	5
Kulumata 2	A	vs LSC	3
Luba	vs Tokarara	3	
Tokarara	vs Dodoogu	5	
Gerehu 1	vs Gordons 2	4	
Luba	vs Kulumata	5	
Gordons 1	vs Nim	4	
Simla 1	vs Tuli Malets	4	
(Gerehu 1)	vs Defence	4) (AS PER)	

### Sunday November 28 1993

#### MURRAY BARRACKS OVAL

07.00	A	Kulumata vs Simla	M	4
0.750	D	Kula vs Naniu	M	4
08.40	A	Togelu vs Defence	W	6

09.30	Prayer (Fellowship)		
10.40	B	Amazon Bay vs Kula	M 6
11.30	A	Gerehu vs LSC	W 6
12.20	B	Naniu vs Luba	W 4
13.10	B	Gordons vs Kulumata	W 6
14.00	A	Amazon Bay vs Weramaka	W 6
14.50	B	Tokarara vs Kula	W 6
15.40	B	Amazon Bay vs Tokarara	M 4

#### PORT MORESBY MEN'S SOFTBALL ASSOCIATION

##### DRAWS Week 8-28/11/93

###### A grade Diamond 1

1000-1115	Fuji vs Chebu	C Tera
1130-1245	I/Hawks vs NGI	ITovia
1300-1415	Gazelle vs C/Tigers	LDuba
1430-1545	B/Eagles vs Manolos	AMoe
1600-1715	Malangan vs Elcom	MPasok

###### B grade Diamond 2

1000-1115	Gazelle vs Karanas	LDuba
1130-1245	B/Eagles vs Varsity	TSimitap
1300-1415	Malangan vs Elcom	NTata
1430-1545	I/Hawks vs NGI	PMesak
1600-1715	Fuji vs MSC	JGom

###### C grade Diamond 3

0830 - 0945	MSC vs Manolos	CTerra
1000-1115	H/Bay vs C/Tigers	AMoe
1130-1245	Malangan vs Admiralty	RMisiel
1300-1415	Fuji vs Chebu	MPasok
1430-1545	PNGBC vs Karanas	AEvald

### PORT MORESBY WOMENS SOFTBALL ASSOCIATION INC. 1993 - 1994 SEASON DRAW - ROUND 1

WEEK 7 - 27/11/93

DIAMOND 1			
TIME	TEAM	TEAM	GR
0900	Norths1	vs City Tilgers	'C'
1030	F/Gazelle	vs Yokomo	'A'
1200	Fujitsu	vs Elcom	'A'
1330	All Stars	vs United	'A'
1500	Shell Wantok	vs Royals	'A'
1630	Mazda Carps	vs Malangan	'A'

DIAMOND 2			
TIME	TEAM	TEAM	GR
0900	Royals	vs Chebu	'B'
1030	I/Karanas	vs Shell Wantok	'B'
1200	Garamut Country	vs UPNG	'C'
1330	F/Gazelle	vs NGI	'B'
1500	PNGBC	vs POMTECH	'C'
1630	I/Karanas	vs UPNG	AR

DIAMOND 3			
TIME	TEAM	TEAM	GR
0900	Elcom	vs Admiralty	'C'
1030	Mazda Carps	vs Tarangau	'AR'
1200	Chebu	vs Globe Malangan	'AR'
1330	Yokomo	vs Admiralty	'B'
1500	Norths	vs Garamut Country	'B'
1630	Fujitsu	vs All Stars	'AR'

#### BYE GRADE

United C

### MT HAGEN SOFTBALL ASSOCIATION COMPETITION DRAW - 1993/1994 SEASON

GAME:5 ROUND: 1

Saturday 27/11/93				
Time	Venue	Grade	Teams	Umpire
1300-1500	D.2	Women	NGI vs Elcom	JKundi
15.00-1700	D.2	Women		
1300-1500	D.1	Men	Aviat vs Hagstars	MVonono
1500-1700	D.1	Men	Unicats vs NGI	AMaradi

Sunday 28/11/93				
Time	Venue	Grade	Teams	Umpire
1300-1500	D2	Women	Aviats vs Wantok	MJerry
1500-1700	D2	Women	Unicats vs Royals	WWaradi
1300-1500	D1	Men	Eagles vs Strivers	WPup
1500-1700	D1	Men	Elcom vs Gazelle	MRok
		Women	BYE:	
		Men	BYE - T.S.L	

### PORT MORESBY PUBLIC SERVANTS SOCCER ASSOCIATION WEEK 4: DRAW

#### Sunday: November 28

Bisini Grounds		Fixtures	Referees
Time	Division		
8.00	M2	Education vs P/Minister	R. TSuga
9.10	W2	Education vs P/Minister	J. Minan
10.00	M2	Teachers vs University	M. Takai
11.10	W2	Teachers vs University	H. Posing
12.00	M2	CMB vs Lands	Q. Pambuai
1.10	W2	CMB vs Lands	Jenny Silikara
2.00	W2	Deced vs PNGBC	T. Wangi
2.50	M2	Deced vs PNGBC	J. Mangor
4.00	W2	NPF vs BPNG	Jenny Silikara
4.50	M2	NPF vs BPNG	R. Tsuga
8.00	M1	Finance vs POSF	T. Wangi
9.10	W1	Finance vs POSF	M. Salaiau
10.00	M1	T/Habours vs Works	P. Julius
11.10	W1	T/Habours vs Works	G. Kaluwin
12.00	M1	Labas vs PTC	P. Julius
1.10	W1	Labas vs PTC	C. Saulup
2.00	W1	DCA vs P/McGregor	M. Salaiau
2.50	M1	DCA vs P/McGregor	T. Gawot
4.00	W1	NBC vs A/General	M. Takai
4.50	M1	NBC vs A/General	J. Silikara

POINTS LADDER							
Teams	G	W	D	L	F	GF	Pts
PTC	3	2	1	-	2	0	7
NBC	3	2	-	1	4	1	6
Finance	3	1	2	-	2	2	5
DCA	3	1	1	1	2	1	4
A/General	3	1	1	1	3	3	4
Labas	3	1	1	1	1	1	4
POSF	3	1	1	1	1	1	4
Transport	3	1	-	2	1	3	3
Works	3	-	1	2	1	4	2
McGregor	3	-	1	2	1	5	1
Women Pool 2							
University	3	2	1	-	4	1	7
P/Minister	3	2	1	-	4	2	7
BPNG	3	2	-	1	7	2	6
Lands	2	2	-	-	4	1	6
Education	2	1	1	-	1	0	4
PNGBC	3	1	1	1	1	1	4
Teachers	3	-	2	1	2	7	2
CMB	3	-	1	2	0	2	1
NPF	3	-	1	2	1	4	1
Deced	3	-	-	3	2	6	0



# Kasau i no wanbel long Mosbi PSSA

**Not Solomon spot nidim moa mani**

PRESIDEN bilong Mosbi Pablik Sevan Soka Asosiesen (PSSA), Francis Kasau i no amamas long kik bilong PSSA.

Kasau i tok planti klap i wok long brukim sampela lo bilong asosiesen em ol klap opisal na eksekutiv bilong em i bin kamapim long stretim gut kik. Em i tok planti klap i no harim toktok bilong asosiesen na wokim ol samting long laik bilong ol i no

bihainim lo bilong asosiesen.

As bilong statim kik bilong Pablik Sevan em long traim bungim ol wok man na meri bilong wan wan dipatmen. Dispela kik em i sosol gem tasol nau sampela klap i lukim dispela olsem wanpela kompetisen na i save kik strong.

Kasau i no amamas tru long sampela klap husat i ting PSSA i wanpela kompetisen gem olsem Mosbi Soka

Asosiesen (PMSA). Em i laikim kik i kamap olsem wanpela sosol gem.

PSSA i bin askim ol papa na mama long raitim wanpela pas long givim tok orait long pikinini bilong ol long pilai. Tasol i kam inap nau ol i no kisim wanpela pas i kam long ol papa mama husat pikinini bilong ol i kik long Pablik Sevan soka. Kasau i tok planti pikinini bilong ol pablik sevan i kik yet na em i

no kisim tok orait pas i kam long ol papa na mama.

Sampela klap i wok long yusim ol pilaia husat i no pablik sevan na dispela tu i mekim Kasau i kros. Narapela hevi em ol marit lain husat man o meri bilong ol i no pablik sevan i wok long pilai. PSSA i bin stapim ol lain husat i no pablik sevan long kik. Tasol planti i wok long sakim tok na pilaia.

Ol eksekutiv bilong

PSSA i bin askim tu ol klap long no ken larim

Ol 5-pela pilaia husat i save kik long PMSA. Eksekutiv i bin givim tok orait tasol long tripela pilaia bilong PMSA long kik. Tasol nau i luk olsem planti klap i brukim pinis dispela lo na wok long larim moa long tripela pilaia husat i save kik long PMSA long kik.

Narapela hevi em ol pablik sevan i no pilaia stret long dipatmen bilong ol. Sampela wokman bilong gavman i wok long kik wantaim narapela dipatmen. PSSA i bin stapim ol pilaia long no ken i go pilai long ol arapela diptmen. Ol pilaia i mas kik long dipatmen em ol i wok long en. Tasol nau sampela pilaia i sakim tok na wok long pilai

long ol arapela dipatmen.

Pastaim long kik bilong PSSA i stat ol eksekutiv wantaim ol klap opisal i bin sindaun na paitim toktok long senisim ol dispela lo. Planti klap opisal i bin tok orait long dispela senis. Tasol nau PSSA i wok long bungim hevi na i luk olsem ol i no amamas tru long pasin ol sampela klap i mekim.

Dispela samting i mekim Kasau i kros na em i no amamas tru long sampela klap.

Em i askim ol arapela klap husat i bihainim olgeta lo bilong PSSA long apil sapos ol i lukim sampela klap i brukim lo. Wanem klap i laik apil i mas givim tu K10. Bihain long PSSA eksekutiv i lukluk long apil pas ol bai givim bek K10.

**Lephan...Wanpela pilala bilong NPF i pulim bal i go taim birua bilong em bilong Teachers i ran bihain long em long traim stillim bal.**

**Daunbilo...(Iephan) Gloria Mattes bilong Royals i ran i go long bes. (namel) Wanpela pilala bilong Fuji i redi long paitim bal. (Raithan) Albert Evald bilong Elcom i redi long paitim bal.**

BOSMAN bilong spot long Not Solomons provins, Richard Lyons i laikim gavman i givim moa mani i go long dipatmen bilong em long neks yia.

Mani inap long K80,000 we gavman i givim bilong ol spot long olgeta hap bilong Bogenvil long dispela yia i no inap. Na Mista Lyons i laikim gavman i givim narapela K20,000 na kamapim K100,000 olgeta.

Em i tok moa olsem long taim bilong provinsal spot we ol i bin holim long Wakunai stat yet long Mande Novema 1 na pinis long Fraide namba 6, ol 4 pela mamba bilong BRA i bin kam stap na lukim pilai. Nogat trabel i bin kamap long dispela taim.

Orait, long Fraide Novema 12, ol yangpela spotman long olgeta hap bilong Bogenvil i bin stap insait long wanpela amamas mas long Buka bihain long ol i pinisim wanpela wik provinsal spot long Wakunai.

Long wankain taim tu, bosman bilong spot long provins Richard Lyons i tok dipatmen bilong em i bin lusim K41,000 samting long dispela provinsal spot.

Long ol wok redi ol i bin mekim pastaim, dipatmen i bin redim K25,000, tasol dispela mak i bin abrus na sut i go antap long K45,000 mak. Nau dipatmen bai painim mani bilong bekim K21,000 moa ol i bin yusim insait long ol pilai long Wakunai.

Mista Lyons i tok amamas long sampela bisnis kampani long Buka husat i bin givim mani inap long K28,000.



**SSSSSSSSST!**



# K Cee na United i dro long Wewak gren fainal Guria i kwin

## RODNEY KAMUS i rattim

W E W A K S o k a Asosiesen (WSA) i no bin king bilong primia divisen bihain long gren fainal long Sande.

Tupela primia tim bilong Wewak soka

husat i bin pilai long gren fainal Kay Cee na Wewak United i bin kamapim wanpela strongpela pilai tru na skoa i bin pas long 2-2. Dispela em bihain long ol i bin kisim 20 minit

long ekstra taim.

Taim referi i stapim kik long fultaim skoa i bin sanap 1-1. Skoa i sanap olsem taim Kay Cee i putim wanpela las minit gol.

Olsem na ol i bin kisim ekstra 20 minit gen long pilai. Kay Cee i putim presā long namba wan 10 minit na

pairapim umben bilong Wewak United na bringim skoa bilong ol i go long 2-1.

Taim tupela tim i senis long las 10 minit bilong pilai, iJuk olsem Kay Cee bai win. Tasol samting olsem 1 minit tasol i stap na United i sutim wanpela gol long kisim skoa bilong

tupela tim i go 2-2.

Tupela tim nau bai pasim tok long wanem taim bai tupela i pilai gen o painim narapela bilong primia divisen.

Long ol narapela pilai, long namba wan divisen, Garamut i strong moa yet na

rausim Wewak United 3-1. Dispela pilai tu i bin kisim ekstra 20 minit bihain long skoa i pas long 1-1 long fultaim. Long anda 16 divisen, Garamut i strong moa na nilim ol yangpela Kay Cee 1-0.

Ol meri em Guria i rausim Poesen 3-1.

OL MERI bilong Guria soka klap long Wewak i kamap kwin bilong divisen bilong ol meri bihain long ol i bagarapim sindaun bilong Posenau 3-1.

Posenau i bin kamapim strongpela pilai tru long winim dispela pilai. Tasol ol meri Guria i laik kamap kwin bilong ol meri long Wewak soka resis na i no givim wanpela sans liklik long ol. Ol i pilai hat tru na winim dispela gem.

Long namba wan hap bilong pilai, tupela tim wantaim i taitim bun stret long brukim ol umben. Guria i strong tumas na holim pasim ol meri Posenau long sait bilong ol. Ol straika bilong Guria i kisim planti sans long sutim gol. Tasol ol fulbek bilong Posenau i no givim ol sans long skoa. Samting olsem 20 minit bihain long kik i stat, Guria i sutim namba wan gol.

Guria i strong yet long namba wan hap bilong kik na larim bal i stap long eria bilong Posenau. Klostu hap taim na Guria i sutim namba tu gol na kisim skoa i go antap 2-0 long hap taim.

Long namba tu hap bilong kik pilai i tanim gen. Long dispela taim Posenau i strong tru na kalabusim ol pilaia bilong Guria long hap bilong ol.

### GOGODALA COMMUNITY SOCCER ASSOCIATION DRAW FOR SATURDAY 27/11/93 ROUND 4

#### GROUND ONE

TIME	GAME	DIVISION	REFEREES
9.00	Kalama vs Malebe	B	Hohola
9.50	Gerehu vs Gordons	W	Gerehu
10.40	Pasiya vs Kalu	W	Kalu
11.30	Mase vs Hohola	W	Pasiya
12.20	Gerehu vs Gordons	A	Kaiu
1.10	Kalama vs Malebae	A	Pasiya

#### GROUND 2:

TIME	GAME	DIVISION	REFEREES
9.00	Pasiya vs Kalu	B	Pasiya
9.50	Mase vs Hohola	B	Kalu
10.40	Kalama vs Maleba	W	Gerehu
11.30	Gerehu vs Gordons	B	Hohola
12.20	Mase vs Hohola	A	Gerehu
1.10	Pasiya vs Kalu	A	Hohola

NB\*: There will be a general meeting at 1.00pm- Venue- UNI soccer ground



*Kas bilong ol meri Madang Blues....Ol susa, yupela i ken small na lap.*

Bikos ken stall bilong yupela long pilai soka i save kukim tingting bilong sampela man tu ya. Bai yumi tok wanem....Em we bilong em ya. Dispela em tim bilong ol meri Madang Blues soka klab husat i save kik resis long Madang Soka Asosiesen.

# Level tu referi kos bai no inap kamap nau

TINGTING bilong Papua Niugini Soka Referi Asosiesen (PNGSRA) long holim wanpela Osienia level 2 referi kos long Novemba 22 i go inap long Novemba 26, bai no inap kamap.

PNGSRA i bin tingting long holim dispela kos wanpela wik bipo long kik bilong nesanel klap sempionsip i kamap long Rabaul.

Man husat PNGSRA i askim long kam ranim dispela kos em Les Coffman bilong Nu Silan. Coffman em i wanpela soka referi instrakta long Osienia em Federesen bilong Itenesenel Futbol Asosiesen (FIFA) i makim.

Dispela i no namba wan taim Coffman i kam ranim kain kos long Papua Niugini. Em i ranim pinis sampela kos long bipo wantaim wanpela samatin bilong em Steven Kalai. Kalai i wanpela

nem soka referi nau long PNG.

Tasol nau Papua Niugini Futbol Asosiesen (PNGFA) i stapim kik bilong nesanel klap sempionsip long kamap olsem na PNGSRA tu i stapim dispela kos long kamap.

Presiden bilong PNGSRA, Mark Kelep i tok ol bai traime holim dispela kos long neks yia. Em i tok dispela kos bai kamap sapos PNGFA i holim wanpela bikpela kik olsem nesanel klap sempionsip o nesanel sempionsip. Na dispela kos bai kamap wanpela wik bipo long bikpela kik.

Kelep i tok PNGSRA bai ranim kos long wanem taim i gutpela long Coffman long kam long PNG.

Narapela samting em AGM bilong PNGSRA. Kelep i tok ol i wok long traime makim wanpela gutpela taim we ol referi bai sindaun long AGM. PNGSRA i bin holim AGM long Septemba 16.

Tasol ol i no bin stretim olgeta samting long dispela taim. I gat planti samting em ol i no bin toktok long dispela kibung olsem na ol i srukim taim gen.

Tasol Kelep i bilip ol bai holim AGM sampela taim long neks yia. Dispela em pastaim long 1994 soka sisen i stat. Bikos nau krismas i kam klostu na planti referi bai go malolo long ples.



*Mama het bilong mi ya...Dispela pilala bilong Teachers i kisim taim liklik taim em i hetim bal. Teachers i bin dro 2-2 wantaim NPF.*






# BENSON & HEDGES SOKA

## Wantok



• David Buko man husat i bin winim Sir James Jacobi Player of the year awad long las wiken.



• Kepten bilong Tavnis volibal tim bilong Wewak, Max Motoku (namel) i soim tropi na sil em Michael Malenki (raithan) i givim. Tavnis i bin winim Kay Cee long tripela set. *Poto Michael Sogoromo*

# Spot Federesen wet long ripot bilong K1.2 milien

### WINIS MAP i raitim

SEKETERI Jeneral bilong PNG Spots Federesen, John Dawanicura i tok Federesen bai no inap tokaut long mani em nesenel gavman aninit long dipatmen bilong Riligon, Hom Afeas na Yut bai givim ol.

Dawanicura i tok nau yet ol i no inap toktok long helpim mani gavman bai givim. Bikos olgeta samtng bilong

kisim dispela mani i wok long go het. Seketeri bilong dipatmen, Bill Kua i wok long stretim yet samtng wantaim Faines dipatmen.

Mista Dawanicura i bin mekim dispela toktok long taim em i sindaun wantaim sampela opisal bilong ol spot asosiesen long Mande.

Minista husat i lukautim tu wok bilong spot, Andrew Posai i bin tokaut olsem gavman bai givim K1.2 milien long Spots Federesen.

Na minista bilong Fainans Sir Julius Chan i givim pinis tok orait long pas.

- Dispela mani Minista i toktok long givim ol i brukim olsem;
- 1993 Mini SP Gems bai kisim K200,000,
- 1994 Komonwelt Gems K250,000,
- 1995 Saut Pasifik Gems K500,000, na
- 1996 Olimpik Gems K300,000.

Mista Dawanicura i tok sapos olgeta samtng i go gut na ol i kisim dispela mani em bai

tokaut long ol pablik.

Na sapos PNG Spots Federesen i no kisim dispela mani i luk olsem dispela bai stapim sans bilong PNG long salim planti spot man na meri i go aut long ol bikpela pilai.

Mista Dawanicura i bin mekim dispela toktok taim em i bung wantaim sampela ol

spot asosiesen long dispela wik Mande.

Spots Federesen i bin askim ol maus man bilong 35 spot asosiesen long bung wantaim em na ol i ken givim ol hevi na stretim sampela samtng bipo long bikpela pilai bilong Saut Pasifik gems long Tahiti long 1995. Na 1993 Mini SP gems long Vanuatu i kamap.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



• John Dawanicura i kibung wantaim ol maus man bilong ol Spot Asosiesen, man i sindaun long ralthan em Paddy O'Connor husat i go pas long wok bilong Operesen Tahiti. *Poto Ivan Bayagau*









# REBO

REBO KIKIM BAL I GO INSAIT NA MEKIM SKOA IGO (6)...LONG SEM TAIM SAIREN BILONG HAP-TAIM I KARAI...



HAP-TAIM NAU OLGETA IGO LONG RUM BILONG SENIS NA REBO TOK TOK WAN-TAIM OL...



REBO I TOK TRU... LONG SEKEN-HAP OL WESPAK I PAIA...



...OL WESPAK I PILAI STRONG TRU NA OL I PUTIM TRAI...

PILAI I STRONG TRU NA SKOA I WANKAIN... I GAT TU-MINIT TASOL I LEP LONG FUL-TAIM NA REBO I TINGTING PLANTI...



MAN! KIDS-TU FUL-TAIM NA SIKS-ALL! BAI MI MEKIM FIL-GOL!

REBO KISIM BAL NA BRUK I GO... EM LUKIM GOL POS NA TINGTING NAU...



# HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

# WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!

INO DIA TUMAS. 40¢ TASOL!



# Taim bilong maket long hap bilong Buka



## SUPA SWIT MOA LAINIM OL LESMAN



LIKLIK MAINING TAUN LONG POGERA I DETI TRU!!!



OL MANMERI LONG HAP TU I LES LAIN TRU... OL I SILIP, PILAI... KAS OLGETA DE TASOL... NOGAT WOK LIKLIK!!!



NAU SUPA SWIT MOA I KAM KAMAP NA LUKIM PLES!!!

MAN! MAN! TAUN I DETI TRU NA OL MANMERI I LES TRU LONG KLINIM!

NOKEN SANAP

# SUPA SWIT MOA



NAU EM BIK MAALIS..

KIRAP! KIRAP! YUPELA LES MAN TRU! KLINIM TAUN BILONG YUPELA! MI SEM TRU LONG LUKIM YUPELA OLSEM!



!?!



WANTU OLGETA KIRAP NA KLINIM TAUN... GUTPELA LESEN LONG OL MANMERI...

EM NALI! DISPELA TAUN EM TAUN BILONG YU... KLINIM OL TAIM!

SUPA SWIT MOA I TOK, "MASKI LES TUMAS! WOK HAT!"



# MUSIK NA TELEVISEN

PAPUA NIUGINI



## Wok bilong glasim ol demo keset

WOK BILONG o katim wanpela keset i no isi. Yu mas mekim sampela samting bipo long ol lain long studio i givim tok orait long yu long katim singsing long studio.

Ol musik man na meri husat i tingting long katim singsing wantaim Chin H Meen (CHM) Supasaun 48 trek studio long Mosbi, ol demo keset em ol i katim long ausait long studio i mas kamap gut long yau bilong George Luff.

Luff i save sekim ol demo keset ol lain i salim long CHM, wok bilong Luff em long harim ol demo keset na bihain em i save givim tingting bilong em long dispela lain long rekot o nogat.

Kain wok Luff i mekim em i bikpela wok pas-taim. Ol arapela studio long narapela kantri tu i save biahinim dispela pasin bilong harim pas-taim demo keset bipo long ol i givim tok orait long wanpela ben i ken katim keset.

Long wanpela de em i save kisim samting olsem 4 o 5-pela keset em ol i save salim. Sampela i save go


stret long studio na givim.

Luff i tok, em i save kisim 2 o tripela wik long em traim ol demo keset bipo long i givim tingting bilong em.

"Long namba wan taim mi save harim ol singsing na musik long ol dispela keset ol man i salim. Bihain mi save givim tingting bilong mi na givim keset i go long men-esting dairekta bilong CHM, Raymond Chin long kisim tingting bilong em," Luff i tok.

Luff i tok em i save harim samting olsem 5-pela keset long wanpela de. Na em bai mekim wankain samting long narapela de inap em i painim keset i gutpela long rekotim. Ol demo keset we i no gutpela ol bai no inap givim tok orait.

"Mi save givim tingting bilong mi tu long sans dispela keset i gat long maket sapos ol katim singsing bilong ol long studio. Mi save tok save tu watpo na mi rausim ol arapela demo keset. Mista Chin tu i save givim tingting bilong," Luff i tok.



• George Luff

Em i tok ol i save glasim demo keset long gutpela nek bilong man i singsing na musik i go wantaim singsing.

"Keset em mipela i laikim em ol dispela i gat gutpela strongpela nek. Nek mipela i laikim i mas go gut wantaim musik," Luff i tok.

Luff i bilong Daru long Westen provins. Em i bin kamap demo-skrina wantaim CHM long Septemba 26, 1992. Sief ensinias bilong CHM, Thomas Lulungan i bin askim CHM long kisim Luff long mekim dispela wok.

Pastaim long em i kisim dispela wok wantaim CHM, em i bin wokim keset bilong wanpela lokol ben bilong Daru ol i kolim Faded Glory. Dispela i bin mekim isi long em long kisim dispela wok.

Luff i save helpim tu long pilai gita long helpim ol ben husat i go katim keset long studio. Em i save helpim long pilai lid na bes gita.

Long dispela yia Luff i bin stap insait long wanpela grup em CHM i salim i go pilai long Solomon Ailan. Em i bin stap tu long narapela grup bilong CHM husat i bin go pilai long Daru.

I KAM LONG  
Ela Motors  
OL WIL BILONG NESEN

## AMERICAN TOP FORTY

AS AT 27/11/93

CUR.	TITLE	ACT NAME
1.	All That She Wants	Ace Of Base
2.	I'd Do Anything For Love (But I Won't Do That)	Meat Loaf
3.	Again	Janet Jackson
4.	What Is Love	Haddaway
5.	No Rain	Blind Melon
6.	Dreamlover	Mariah Carey
7.	Please Forgive Me	Byran Adame
8.	Two Step Behind	Def Leppard
9.	The River Of Dreams	Billy Joel
10.	Another Sad Love Song	Toni Braxton
11.	Sweat	Inner Circle
12.	Better Than You	Lisa Keith
13.	Cryin'	Aerosmith
14.	IF	Janet Jackson
15.	Everybody Hurts	R.E.M.
16.	Right Here/Human Nature	SWV
17.	Hero	Mariah Carey
18.	Wild World	Mr. Big
19.	Runaway Train	Soul Asylum
20.	Anniversary	Tony! Toni! Tone!
21.	Both Sides Of The Story	Phil Collins
22.	Hey Jealousy	Gin Blossoms
23.	Ooh Child	Dino
24.	Baby I'm Yours	Shai
25.	Can't Help Falling In Love	UB40
26.	If I Had No Loot	Tony! Toni! Tone!
27.	Can We Talk	Tevin Campbell
28.	Human Wheels	John Mellencamp
29.	Hey Mr. D.J.	Zhane
30.	Break It Down Again	Tears For Fear
31.	Said I Loved You ... But I Lied	Michael Bolton
32.	Reason To Believe	Rod Stewart
33.	Soul To Squeeze	Red Hot Chillii Peppers
34.	Juet Kickin' It	Xscape
35.	Jimmy Olsen's Blues	Spin Doctors
36.	I Can See Clearly Now	Jimmy Cliff
37.	Lately	Jodeci
38.	All About Soul	Billy Joel
39.	Nothing 'Bout Me	Sting
40.	Mr. Vain	Culture Beat


## EMTV TELEVISEN

THURSDAY 25TH NOVEMBER, 1993

5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET (G)
9.00	STATION CLOSE
1.27	STATION RE-OPEN
1.30	RAY MARTIN (PGR)
	AT MIDDAY
3.00	KIDS KONA
	SESAME STREET (G)
4.00	KIDS KONA
	FAT CAT (G)
4.30	NEW SCOOPY DOO (G)
5.00	MAGILLA GORILLA (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	SALE OF THE CENTURY (G)
7.30	LOTTO DRAW (G)
7.32	NEIGHBOURS (G)
8.00	EMTV TOK SAVE
8.05	FIZZ (G)
9.00	MARRIED WITH CHILDREN (PGR)

9.30	LOVE AND WAR (PGR)
10.00	A COUNTRY PRACTICE (G)
11.27	MEDITATION WITH PASTOR WALO ARNI
11.30	STATION CLOSE
	FRIDAY 26TH NOVEMBER, 1993
5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET (G)
9.00	BIG BIRD IN JAPAN (G)
9.47	EMTV TOK SAVE
9.50	SECOND TEST SERIES CRICKET
12.00	BUGS BUNNY (G)
12.30	CRICKET (G)
4.00	KIDS KONA FAT CAT (G)
4.30	NEW SCOOPY DOO (G)
5.00	MAGILLA GORILLA (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	SALE OF THE CENTURY (G)
7.30	NEIGHBOURS (G)
8.00	RESCUE 911 (G)
8.30	AUSTRALIA'S FUNNIEST

8.27	HOME VIDEO (PGR)
	EMTV TOK SAVE
9.30	FRIDAY NIGHT MOVIE(M) "Fright Night 1"
11.00	FOCUS (G)
11.57	MEDITATION WITH PASTOR WALO ARNI
12.00	STATION CLOSE
	SATURDAY 27TH NOVEMBER,
9.45	STATION OPEN
9.50	SECOND TEST SERIES CRICKET
12.00	BUGS BUNNY (G)
4.30	GILLETTE (G)
5.00	BONANZA: (G)
6.00	NATIONAL EMTV NEWS
6.30	HEY HEY
8.30	IT'S SATURDAY (G)
8.30	NCDC NEWS (G)
9.00	BURKE'S BACKYARD (G)
10.00	HAWAII 5-0 (PGR)
	"Practica Jokes Can Kill You"
11.27	MEDIATION WITH PASTOR WALO ARNI
11.30	STATION CLOSE
	SUNDAY 28TH NOVEMBER, 1993
6.57	STATION OPEN
7.00	BUSINESS SUNDAY (G)
8.00	SUNDAY (G)



## PNG TOP TWENTY

AS AT 20/11/93

NO.	SONG	ARTIST
1 (1)	Askere	Hollie Maca
2 (5)	Kir Ta Prove Tana	Kokotatts
3 (2)	10 x Pekitona	Pongoros 93
4 (3)	A Mistake	Leonard Kania
5 (4)	Pinky Pinky Ponky	Darkends
6 (6)	Swit Smile	Vuvu Vibrations
7 (8)	Data Tut	Festalight
8 (7)	Lukluk Tamavatur	Barike
9 (9)	Soldier Boy	Darkends
10 (10)	Bihain Taim B'ville	Crisis Survivors
11 (12)	City Meri	Kanini Bros
12 (11)	Seaside	Jr Kopex
13 (13)	Sauga Mei	Sauga Band
14 (14)	Josephine	Leonard Kania
15 (15)	No Compromise	Max Manimbi
16 (17)	Chako Chako	Chaco Chaco
17 (16)	Swit Finche	Reks Band
18 (0)	Bena	Hitsy Golou
19 (0)	Emi No Isi	Basil Greg
20 (20)	Arua Pipi	Arovu Harisu

• Ratings based on requests on Radio Kalang and not cassette sales.

ELA MOTORS - OL WIL BILONG NESEN



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.